

漢書門
類號二八二
函架五二
冊架八六

內閣文庫
漢書
類號二八二
冊架五六
函架三五

內閣文庫		
番號	漢	4282
冊數	6 (4)	
函號	275	41



則愛之秦人之弟則不愛也是以我為悅者
也故謂之內長楚人之長亦愛吾長是以
長為悅者也故謂之外也言愛王於我故仁
在外敬主於長故
則亦有然者也然則者夏亦有外與若與諸
同天音
扶○言長之者之皆出於心也特氏曰告子
以食色為性故因其所明者而通之○自篇
首至此四章告子之辨屢屈而屢變其說以
求勝卒不聞其能自反而有所疑也此正其

人○事○之○疾○其○道○之○貴○者○或○理○之○有○于○此○而○能○知○之○也○此○篇○之○義○也

非

孟子卷之二
告子上
此篇之義也

新刻魏狀元手著春秋意說卷之六

通州

魏藻德

著

蕭山

來集之

叅

雲間

夏允彝

較

潭陽

楊居案

梓

文公

公即位

經于內君嗣位必酌夫時以示法焉 重傳首至無君一段自古通喪以下是
抽出攝行辨論然是一意○夫國君嗣世定于初喪必逾年然後改元書即位者蓋以改元定位之初則一年二君非以明大義改元喪畢之後則曠年無君非以係人心酌其得禮之中意如逾年之春必于此而告廟也必于此

而臨群臣也其在衰經之中而有大臣攝行之禮則始終之義不失臣民之心咸歸矣斯聖人垂法意典

錫命

經于王室宥內特訊其大正焉 非正位來字上見初見繼朝獻功皆死往受非來錫也○夫錫命大禮有定名亦有定物稽詩書所稱可指也今文方即位喪制未畢既非朝見之會之非敵功之由乃天朝之使有捧綏音而往者此何禮哉故書來錫以訊其非正云

城濮

踐土

即位

錫命

上下俱係錫命

觀至室之加有功而知宥內之非正矣

旧上合作還當從傳為是但須說得則見此土之錫命有下勞之非然

因其故王所氣則非元名矣今文方世何功何加而毛但之錫胡為乎來哉斷當主此

踐土

審俞聘

經于錫臣之典兩即事以明其義焉

上晉文受形弓之錫下審俞聘形弓之賦俱十形弓為是不可作予奪只明其

義如此然不成類姑備之

晉侯伐衛

嗣伯因討貳而勤王尊獎之義著矣

借城祀傳尊獎王室句發揮夫襄之嗣文而與也皆死親暱之可念乃伐衛未

卒而觀王先馬從且居之謀脩溫地之朝此一役也周室其有賴矣戚田之取昭子之獲豈引義勝之武哉

得臣如京

即內臣之脩王禮慢可知矣

主南季傳錫命方知而使御屏命慢亦甚矣

衛人伐晉

即與國之犯伯而見用人之失矣

主級孔庭傳見衛成用人謀國之失

伐衛

伐晉

經兩紀兵有得于服人者有昧于反已者

會戚

經于內臣會伯深示謹禮之意焉

彭衙敗

經善與國之應敵以其非王事也 處已二字極重有罪無罪二段皆是處已之道告天子方伯屬無罪一功總重不戰以王事立說以桀攻桀意亦要發揮○夫強衆相凌國所時有非我犯自致之愆則人以不義見加故有罪引隱不名為屈辨論赴告不名為懼要在處已不戰斯稱王者事耳晉之於秦能自責乎能理而論之乎能鳴其情于天子方伯以俟敵之自却乎三者不自處而快心一擊何為也夫惟且居不將而後三帥之耻可釋若待秦之自戢爭何時息焉惟狼贖不馳而後拘原之辱可雪若待秦之自悔怨何時處焉甚矣其昧王事也故書晉及以此

鄭人伐衛 伐北鄙 彭衙 召陵侵

歷觀處已之善者北嗣伯應敵之失矣

鄭人伐衛 伐北鄙 彭衙

兩觀處已之善者嗣伯應敵之失見矣

屈完來 圍鄭 同圍齊 下此易襄十六年豹如晉同

歷觀應敵之道皆合于王事者也

屈完來 伐北鄙 下此易文十七年會扈或會鄭同

經以王事望天下兩予應敵之善者焉 以有罪無罪分以彭衙起繳

鄭人伐衛 衛人伐齊 同上戊子福建出揚中多誤認

敗殺 彭衙

經原強國逞忿而專責世伯之應敵焉 倒本比為是

彭衙 晉侯伐秦

經重王事有責夫應敵者有予夫不報者 上下俱以王事為

作主

望國奉先失于慢春秋特謹焉 此是練主重發謹微 忌○夫文之作主踰十

五月而後舉慢而不敬甚矣卒之四不視朔三不會盟其皆原于此乎故書以謹之

虺父盟

內君因抗而見辱經諱之以存禮焉 抗虺正是辱宜混講為是○夫君尊臣卑冠履之辨常不爽于毫厘而主憂臣辱羹墻之思每不違于咫尺乃今晉也一舉使父虺其抗公居其辱則天下之大分將至于倒置而君父之危且困者且莫之省憂也聖人之心有不勝其恫者故諱不書公若微者與事然往返不錄若未嘗如晉然所以抑虺父而為君隱也庶分正而禮亦存矣

父虺父盟

公如晉盟

公至自至

內君事伯有荼辱經隱顯以示意焉

下比晉侯改盟而享公典上相反對作

盟垂隴

即伯臣之與好因見專命者之罪焉

此題無明股今單主曹綬大夫傳一意為妥諸說紛也不必從

不雨至秋七月

經于內君遇天變而推其無意於民焉 二意字要發揮憂樂碎講俱就不修政事說○夫三時不雨民之憂甚矣而公之心未嘗以為憂也八月既雨民之樂甚矣而公之心未嘗以為樂也故歷時總書又不書八月雨蓋推其意不在民耳

大事躋僖公

春秋重尊尊特譏望國之逆祀焉 只重兄弟不先君臣勿以父子並看○攷魯躋僖公議起于夏父事成于臧孫而我公聽焉彼固以為得明順之禮矣不知僖雖兄嘗為閔之臣以臣而居上大倫不既拂乎閔雖弟嘗為僖之君以君而居下常經不既紊乎順于大小而上下之間則逆明于聖賢而尊卑之辨則暗非禮甚矣故直書以譏之

大事太廟 有事太廟

春秋正祀典而志夫合祀者焉文之行禘祭于秋也附毀主合群分凡自伯禽而下者莫不預其列焉此三年一率而合禮之重者也豈可以逆祀而盡廢之宣之率禴祭于夏也遷四廟出列祖惟此太祖而五者得以散其祀焉此歲時一率而合禮之常者也豈可以薄臣而非之

如楚乞師 躋倍公

即借援舉祀之迹大夫之失於仁知昭矣

上見文仲下展禽為不仁豈彼廢六閔妾織蒲已哉下見文仲縱逆

祀為不知豈獨作屋器祀爰居已哉

四國伐秦

經于伯兵瀆怨深貶其力爭焉 此題以報復為案以力爭為斷重常情可已 一上發揮啓患意未帶之○夫王者之事惟務脩德而天下懷安不然者力爭一勝而悔禍焉亦情之常也晉之於秦拘原辱矣拜賜劔矣此何論王事即常情亦可已者茲復下甲而裂秦封何為哉吾聞耀德者兵猶弗覘况屢勝而又甚之也覲文者武猶弗競况可已而益淫之也向使失利殺函之邀或

隳功彭衙之禦則其報秦者又當何如耶卒致濟河焚舟之師亦其宜矣故特稱人以貶之

敗殺 彭衙 伐秦 伐晉

伯國瀆矣而啓患競力之罪著矣

照傳一串做下大畧同耳

敗殺 彭衙 四國伐秦

伯國再勝而復逞競力之尤者也

彭衙 伐秦

經責伯國始昧王事而終遠常情也

四國伐秦 秦人伐晉

伯國力爭而啓釁春秋之所貶也

主傳串下為是舊主合勿從

納幣

經譏望國之圖婚原其志也 惟志哀故居約重志哀上禮樂二句做此○夫

春秋

卷之六

五

娶雖在三年之外而圖婚在三年之中則今日雖未娶而志已存乎娶矣是
不能志哀而居約也豈礼所得為者乎故書以示譏焉

長擄 礼聘 舍如晉叔

春秋三紀事各重志以與之也 總起分三段未繳 納幣俱重志上發

葵立 礼聘

春秋兩予夫識礼樂者論其志也

知礼易股 葵立 下拜 隆受 國歸父聘 自刻勞至于贈賄 禮成而如之以敏 敗箕 箕缺釋其妻 之敏相待

如 俞聘 不卷彤弓 禮露之章 長擄 魯君之禮皆 魯君之禮皆 士甸聘 承彤弓之賦而 起承命之思 韓

起聘 觀易象春秋而 識周礼之在魯 叔弓 如晉 與致諸 魯君之禮皆 黃父 子太叔明天經地義之 說發五常百行之原

公如晉 文下拜菁 義之賦 公如晉 昭女叔齊給昭公 而識礼之本末

知樂易股 九國救鄭 鍾儀樂操士 音不忘本也 叔豹如晉 不拜 鹿鳴四牡之歌 而拜鹿鳴四牡之歌 蕭

魚 魏絳辭金石之 樂而規君脩德 午伐鄭 師曠歌南風而 知爽師之無功 礼聘 齊魯晉鄭衛之歌 契虞夏商周之舞

知喪易股 蔡季歸 歸父奔 即括髮 即如哭 舍如晉 大夫敬見新君 叔向辭以哀經

伐沈沈潰

經紀伯兵討貳特平詞以示義焉 其事無足褒貶俱從服于楚句看出義舉
指誅暴亂說權指用師言○夫兵者聖人不得已而權用之故天下以權
行正而出于誅討也者則從而褒之天下借權行私而出于報復也者則從
而貶之乃今之伐沈果義兵乎抑忿兵乎夫沈以服楚致武固非不救善也
安得謂伐之為是然諸侯以服楚執言亦非睚眦故也安得謂伐之為非蓋
非蓋出于正而亦未離乎正也春秋一從實錄而無褒貶者以此

齊伐衛 侵曹伐衛 伐沈沈潰

兩接事以律伯兵示用師之道也 以上二股講起倒本股此新伐衛在有命 說則伐沈非義亦從無命講或易伐如國

新按則從安集人民 請看搭題何如耳

沈潰 救江

水火壽

春秋而示用兵而道與法見矣

伐沈 滅陸渾

經紀討貳正防之兵皆平詞以示義焉

上比于報復私怨之兵則有間矣
下與關土服遠以畜強伯則異矣

伐沈 伐鮮虞

春秋平詞紀事有示用師之道者有示用兵之畧者

鄭人伐衛報滑之亂 齊人伐衛討類

經而紀兵脩怨仗義之得失見矣

秦人伐晉

經于強國用兵深責其甚忿焉 舊以濟河取郊分貼貪忿但玩逞其忿而後

悔句還重逞忿為是始末之賢勿茲提入講就用悔過到講末方用改過為

是○夫當春秋時諸侯之知德者鮮矣以田彥聖如穆暢逾遇如穆吾意其

出尋常萬萬者奈何忿不知戢而誓言之後復競茅津之武也河舟之焚深

懷必報之志殺尸之封不勝懸吊之思不將與誓言相背馳哉卒至東夷懷

淫西師不出始克踐其言焉亦晚矣故稱人以脩責之

入滑 敗殺 彭衙 秦人伐晉 晉侯伐秦

經原遠人知過而責其吝于改焉

勿以終並提只如傳流水散去先將知
過提提次講彭衙次以本此為主只重忿

上作以不報
帶答在後

入滑 敗殺 彭衙 秦人伐晉

經于賢侯貳過原事以責之也

入滑 敗殺 彭衙

遠人始失于貪兵復以忿而貳過也

舊主對作但敗殺比似无着洛不如一
聯最作將入滑先講次及敗殺見悔過

如魯天下方變日月之史矣然後制歸彭衙奈何
以忿而復失之也似此甚為渾融高明者正之

入滑 彭衙

經以脩德望賢伯深責其貪忿焉

秦人伐晉 札聘

春秋責備賢者于昧德過中者均貶也

彭衙 秦人伐晉

春秋紀兵以王事責伯主而以王德責賢君也

自爭遠怨王事也 懲忿窒欲王德也

秦人伐晉 納捷菑

春秋紀事有責改過之吝者有善徒義之勇者

上下俱有易并

如晉及晉侯盟至自晉

經詳內君之盟伯以其無可諱也

此類與處父盟公在楚博俱可反照然左傳俱無禮于公請改盟則主處父傳反

照尤切耳

伐楚救江

經譏伯救以救之道非也 討罪合立勿並提重在命秦申數句總是合諸侯

以救其大慈之罪不待撤四境云云極可玩見楚屯守足以自衛一晉不能

室楚也○夫楚以逆聞事晉不救為晉者齊奉六衆守要言之處人必悲則

陳利兵而執言楚將心誓氣爭解江去矣乃宮中之變不徵一詞若齊若秦

置弗用焉亦烏用處父之孤軍為也夫在我無聲援之勢在楚無友誼之心

其伐不足為楚之禍福其救何以係江之存亡而大慈元克且恣行無忌矣

卒之息公一過方城處反何以繼桓文而稱盟主哉故書以云

伐鄭盟貫伐楚召陵 圍宋侵曹伐衛城濮 圍江救江

觀二伯用兵之法而伯臣之恤患非矣 桓文書詳定 倒本傳同

伐鄭盟貫伐楚召陵 圍宋侵曹伐衛城濮

二伯之用兵皆以法勝者也 重在人當無上 以救江起緣

召陵 城濮 書救 偏陽

春秋迭紀伯事用兵主將之首見矣

召陵 城濮 宋楚平 袁婁

春秋

春秋送紀伯事用兵謀國之道見矣

救江 吳伐我

經而紀兵用兵謀國之失見矣

救江 召陵侵

春秋紀兵有孤軍昧于法者有全師隨于利者

西邊俱有桓文

救江 救陳

經紀恤患有示用兵之法者有示用兵之意者

救江 荀吳伐鮮虞

春秋而示用兵有見其法者有見其害者

世婦姜

經譏內外婚禮之失重正始也 二邊俱就喪禮上說重發正始意○文公當
後圖婚是不知敬其伉儷違禮而行耳其子之不免于弑也固且有人忘喪

一 成婚是不知鑒微知著冒禮而往耳其女之不久于魯也亦宜

滅江

經于小國見覆深予其得正焉

與滅黃同以晉不能救提起

晉侯伐秦

經以王事善遠人即無譏于伯可觀也 須將晉襄不足罪形出秦穆不報之
善其不報即指今日閉關上說○夫襄自殺函以來一逞于狄再逞于許又
再逞于魯侯彼其力爭久矣今日之報官如蓋常情哉何幸穆也邑仍其圍
國仍其伐而西關之甲不復與校焉是即重怒在晉益見令德之在秦而戢
忿以從新直能勵風雷之益惟競力在襄愈彰懿行之在穆而釋怨以補過
庶幾有日月之更回視秦誓不克踐無愧哉故不譏晉侯所以深善秦伯云

敗殺 敗箕 伐許 彭衙 父盟 四國伐 秦伐 晉伐

經詳一國之事深善賢君之改過也

此題照傳鋪叙歸重善秦上勿以秦晉兩分見晉三敗秦師而穆報之則貶而

稱人秦僅取官郊而襄又報之乃得稱爵者何意襄何人而可以責秦者責之哉彼自敗殺以未敗狄伐許而辱魯繼之今日之伐蓋力爭之常態哉何幸穆也以下同單

敗敵 彭衙 四國伐秦 秦人伐 晉侯伐秦 去四國伐即 伐晉傳題

春秋不槩以王事責伯國彰改過者之善也 主劉秦 同上

敗敵 敗狄 伐許 處父盟 晉侯伐秦

經原伯國不足責而善遠人可知矣 舊主晉上不必說秦看 來倒善秦同單為是

敗敵 秦人伐晉 晉侯伐秦 舊主敗殺提起下兩分愚意照 傳一串做下歸重本此為是

經原遠人悔過復貳而終善其能改焉

敗敵 敗箕 伐許 處父盟

歷觀伯國之尚力而知其不足責矣

敗箕 伐許

伯主之尚力干挫夷虐小見焉

秦人伐晉 晉侯伐秦

經以王事望賢君始善之備而終善之深也 俱主 秦說

敗敵 晉侯伐秦

遠人始知悔而終能改其賢彰矣

盟柯 捷菑

經以王事風天下特嘉釋怨而大改過焉

晉侯伐秦 秦伐晉

經有不貶與深貶皆以顯改過者之善也

晉侯伐秦 楚人侵鄭

經兩托詞有善改過者有善反正者

秦人伐晉 晉侯伐秦 以益來 歸益

春秋予遠人之終能改過顯望國之卒能遷善

甯劍聘

外臣脩好而志尊王其知禮見矣

重尊王上一賦露彼則曰湛湛露斯朝正則然而設聘之際若何而當此大典再賦彤弓彼則曰彤弓茲失獻功則然而未价之懼若何而受此大賜故其不辭也使若歌于天朝非為已而作者然庶可以免于君之咎其不答也使若辯于魯庭非為已而設者然庶可以道無上之誅

歸贈 用致夫人

經重嫡妾之分而譏望國之越禮焉

歸含贈

望國瀆禮亂倫經畧詞以示謹焉 重一天字發揮○夫以借嫡之成風而加以含贈之大禮是以天命加于天討豈克若天者哉故不稱天云

考宮 獻羽 致夫人 歸含贈

經原大禮之始疑而終譏夫無別者焉

糾聘 仍叔聘 家父聘 含贈

春秋紀王禮始專責夫相繼再貶大君也

滅六

即外夷之覆小而見憑夏之漸矣

主嚴終傳見為窺宋之階大心問東夷之即文仲哀庭堅之亡

射姑奔

即外臣去國見伯主漏言之非矣 須見借晉襄以垂戒意○射姑斃父而此

走狄則以中軍罷將父故之以也夫以私忿而尸人于朝姑之逆甚矣第民

象不悅不可使將此處父忠君愛國之言也襄何遽漏而不以慎耶投以必

怒之言開以必報之際卒使謀臣侵首于進規亂臣逃死于搆難襄不慎言

其禍如此烈哉

執祭仲 姑奔 河曲

下比易為奔同盾迎雍襄夫人知之

歷觀不密之害而知言之當慎矣

閏月不告猶朝廟

經紀望國廢禮特致意于幸存者焉 書月不書朔畧提在頭歸重幸其不已
上見聖人惓惓愛禮之心要旨非是勿從○閏必告朔示有君也朔必朝廟
示有親也其不可廢均已乃文于閏月不告而行朝廟之禮焉夫其不告也
吾固惜數十世相沿之禮頓壞于一日其猶朝也吾尤幸數百年未泯之禮
猶寄于一朝故自文而言則不告于閏月者或告于他朔固恃此朝禮存也
自後人而言則不告于一時者或告于後日亦賴此朝禮在也特書猶朝亦
愛禮存羊意歟

閏月不告月

內君台禮于閏月春秋明其不可廢焉

令狐

春秋紀兵而重責夫伯慎置君也 奉晉均責提起即倒歸廢立不慎斷罪不
謝秦即是志戰係逆雖以後事其原由于始之不慎故也廢立俱就靈公上
說要見毋戒意二書法總收○改令狐之後秦不顧犯順之嫌而茹是納晉
不脩謝過之禮而秦是錄其罪均矣乃兵端所由起則廢立之不慎實尸之
也時夷羊以太子嗣位青宮盾以上卿身都國柄倘長君無求奚至訓卒秣
馬而起厓陰之謀哉奈何盾也彈冠與廢靈之議則雖迎而先蔑遣登壇畫
置靈之謀則雖拒而秦師敗今日立長明日立嫡若奕之不定然晉何不鑒
于治亂存亡之故而輕舉若是哉故均以人稱而允書晉及其貶晉深矣

先蔑奔

經紀使臣之去國為置君者戒也

須從蔑奔上發出置君不慎意見得使秦之駕旋為奔秦之報則盾之置君直若奕

棋之不定矣或注罪先蔑未妥

盟扈

春秋紀信而強臣急主皆譏焉 盾強盟由廢置在手公後至由廢緩積晉玩
政治句似不專指後至須少推開即盾之強亦是因盟而見○夫北面事人

春秋紀信

卷之六

者功尚而不伐位極而不驕故恭順者而下無亢臣宣子內專廢置舉威福而馳驟之甚矣奈何又強為此盟也夫以三指微臣敢班五等之列其強橫何如古有赤烏几几者盾蓋有愧云經不名以此南面君人者朝脩而晝考夕省而夜儆故勵精至而上無惰君文公事多廢緩舉政令而屑越之過矣奈何既約而後至也夫壇坫已掃方見車駕之臨其怠弛何如古有危懼慄慄者公蓋不逮云經不序以此

令狐

盟扈

加不告月分作何單

夫內專而外抗強可知矣

勿分酒一串滾作為佳

徐伐言

中國無伯而徐伐言故

救蒞盟

言請盟故救往蒞斷道小國新之搭此

衡雍

盟暴

詳夷夏之盟謹其辨也 重戎雜處上發揮非謹其盟也以盟暴為主後將

盟盾比斷帶公要見經世意○夫戎文教弗加職方弗載其不處中國尚矣
雒邑何地而可雜處耶此雖置之要荒猶有烽火之虞奈何使側足京畿而
決我大限雖屏之穹廬猶有戎馬之震奈何使接軫輦輟而潰我大防故壬
午之盟以盾乙酉之會以戎其族類當明也衡雍盟以中國于暴盟以外夷
止內外當別也故再稱公子各日其會正其名與地以謹之者其必以諸夏
為庭戶四夷為藩籬而深屋辛有之憂焉斯聖人經世意乎

衡雍

春秋正中國之信將以示辨也

只在盟中國上含蕃并揮為是或主無婁謹禮未安

戎伐九伯以

衡雍盟暴

春秋約十所紀而獨謹華夷之辨焉

上北主紀約句搭出倒作為是

放如京奔言

經紀內使縱欲之戒嚴矣

重垂戒上作

司城奔

外臣之不能官由任官者之失也 重任官上斷罪司城不能官入中挑講○
夫國有司城任至重也苟得其人則輔君庇身均賴之矣乃昭公不能選衆
舉賢一失于子邛再失于意諸而睢陽守土之臣且為曲阜羈旅之使夫帥
甸之禍又誰懟哉故特以官舉而任官者戒矣

求金

春秋不與相臣擅命重謹權也 當喪未君正是謹通喪意只重謹權以示後
世上作○夫頃王當喪諒陰未畢乃求金之使有涉曲阜而馳者此豈獨通
喪之當謹哉蓋終已以聽固冢宰之職然有托以號令者其事不可訓也居
攝以行固柄相之任然有藉以行私者其禍不可長也故不稱使謹權之意
深矣

夫人如齊至

春秋致謹于小君誠重之也 明小君之重正見不可使其不安重微漸上極
揮○夫人內承宗祀與君敵體一國之母儀係焉厥惟重矣文公無正家之
法敬嚴恪龍外比而為奸庶子奪嫡將萌而不悟出姜之不安于魯有由然
矣經特書至以示防微杜漸之意云

逆婦 姜氏至

經紀小君之歸有誅其意者有防其微者

及實與父

經于伯國用而深惡權臣之私焉 專私只宜混講不必分貼忠恕從未減意
指二人際論文中要帶書法只收稱及○鄭父之及以先克之故父實與焉
夫以二三執政而擅尸人於朝即置之法其何說之辭顧此三人豈無可未
減者而盾皆殺之不過以偏黨之私擅威福之柄耳豈存心忠恕而為討賊
之公刑哉故特書及而盾之罪見矣

今狐 盟危 及箕鄭父
經原伯臣專政深罪其議刑之偏焉

楚伐鄭遂會救鄭

經紀外暴深者制外者之失焉 楚輕提起舊主防禦平分看來須串講重盾
啓患列卿只帶說須將縱患在前啓患在後順傳行文為是○夫楚聽范山
之計舉狼淵之師憑夏之罪著矣顧中國所以晏然無虞者惟晉是賴使盾
防于未然則我心不生榮陽安堵亦何俟于救而致有不恪之愆哉奈何盾
之失于制楚也門庭已警潘師莫前纓冠之謂何而所以有今日之愆者則
政刑不飭而桑土之計疎也鄰境已危遷延莫進蹇裳之謂何而所以有今
日之危者則內治不脩而衣衾之戒弛也卒致三臣見俘豈獨諸卿之罪盾
無遠歆鄭患宜其至矣故書救而稱人所以微不恪實以罪不預云

伐鄭

外夷舉憑夏之兵春秋特貶之焉

救鄭

加盟危同只見晉主夏盟

春秋紀伯救而重罪夫啓之者焉

至啓患上大志已具全題

椒聘

春秋原世以進脩禮重絕人也 重世類上因他類本善故因事進之須本聖
心忠恕說來以君臣點講此典荆聘傳頗異彼重慕義上世類意稍輕傳中
嚴于立法是黜他僭王非叛則微其不恪須辨之○夫赫赫楚國而祝融肇
基之美哉火功明德遠矣願其後裔潘名君子誠不忍麾之中國外者詎意
有今日之聘哉其君授圭而遣曰不穀涼德尚微福于魯君其臣致命而來
曰遠方下臣幸同好于執事跡其王帛相通宛若中國之揖讓者然斯不亦
先代遺風耶故書爵書名而稱使蓋本忠恕以進之云

荆敗

荆聘

椒聘

加盟危會替只將內
中國外四夷問起

經待遠人而終進之世足嘉也

上二股只比事問起倒本股同
单或一頭兩脚或兩分俱未妥

荆敗 椒聘

春秋嚴待變夷而終以恕進焉

舊主嚴于立法一段開作但玩傳還是抑揚
重恕以宅心上須滾作為妙上加狄伐刑下

加華元聘主黜等干
夷進同于夏分作

荆聘 椒聘

春秋兩紀變夷脩禮而終進之于夏也

總反起中一聯混作大畧同单舊
丰兩分不惟失傳意且易雷同

椒聘 會戚

春秋恕待變夷兩因慕義而進焉

善以脩禮慕義作眼但玩本傳
向慕中国句俱作慕義為融

敗蔡 椒聘 伐邾 札聘

春秋不終絕夫變夷宅心之恕見矣

倒重二聘上舊
主分作非是

石門 伐允伯 椒聘

加荆
聘同

春秋酌待遠人宅心之恕見矣

荆聘 椒聘 入夷儀 衍歸

經本忠恕待人有進善以漸者有絕惡以漸者

歸棧

即遠人之禮妾母而見子道之當明焉

僖公平口尊崇故秦人君子致其
禮以繳慮僭乱行而子道失矣

歸期 歸棧

觀上下之禮妾母而見夫道子道之失焉

秦伐晉

即強國報怨為甚悖而見報者善可知矣 諸說不一看来只于秦不當報內

顯出晉能悔過上作晉悔過指皆慶立靈為是不必牽扯不戰意須體傳或

者乎字口氣方為妙手○秦之報晉大都起逆雍云夫使雍為當立而晉拒

之則刻者之靈實為必報之仇矣顧長君一却彼其日月之更何如而秦反

以重怒加之則問晉人致寇之由者實反正之附致也其善或可考而知乎

嫡嗣一立彼其為風雷之益者何如而秦反以狄道施之則詰晉人被兵之故者實悔過之所招也其美或可想而見乎秦以狄書予晉之意可睹矣

令狐 秦伐晉

經原伯國之反正特貶強國以示予焉

令狐北只作原委仍于貶秦六顯出吾善同單為是諸說未爰

秦伐晉 楚侵鄭宣

春秋兩予反正皆托重貶以見焉

女栗

經紀上下講信直罪其瀆分焉

主鷄澤傳公與蘇子交罪女栗之胥相盟也果何人斯一為御士吾以惇信明義責之蘇子為侯服吾以尊主奉法責之我公奈何上之替也則登壇而睨五等之藩屏矣下之陵也則挾載而捐三命之王害夫墳分之罪豈待書同而後見哉

厥貉

經紀駐兵而著謀夏棄夏者之罪焉 上重心字在師無所指下重志字在四境無虞舊主謀夏附夷作眼但傳未有棄諸夏句今以棄夏易附夷見聖人

皆為中夏計更妙○夫天地間惟夏處其中環而荒居者無謀而外入聚而甸虘者無棄而內出斯中夏之防峻而國有寧宇也厥貉之役楚與蔡何為者哉夫江六之滅識者悲之乃夷德無厭藏禍心以窺宋穆其有席捲之思乎向非華御之計而宋幾為戎馬之塲矣故未書伐而書次者以此三國之從識者原之乃蔡國無虞甘矢心以從楚莊其有下喬之念乎卒有新城之軟而蔡竟無車駕之臨矣故削三國而書蔡者以此

滅江 滅六 伐鄭 侵宋 厥貉 伐麋

經于謀夏棄夏者各原事以示貶焉

同單

滅江 滅六 伐鄭 厥貉 伐麋

經原外夷謀夏特詞以著罪焉

只主楚一邊

伐楚次陘 厥貉伐麋

經于內外駐師必原情而予奪焉

伐鄭遂救 狄侵宋 厥貉

春秋獨惡與國從夷論其志也

舊主怨三國罪蔡分甚謬今只主罪蔡

楚子伐麋

經惡外夷之謀夏志其移師以見焉

須從伐麋上寫出謀宋意楚之伐麋移厥貉之師也豈勞師涉遠直為一舉乎哉蓋田既阻其謀逃會適逢其隙防渚之敗繼次而洩忿者也錫允之人代宋而受禍者也故伐麋不足為楚罪而造意于伐麋之始者深可為經世之憂矣故書伐于次止之下云云

承筐

經紀大夫之專會謹禮意也

只主無婁傳一意

敗鹹

經紀挫狄而正其名經世意也

重正名上正狄之名者使人有所考而知制禦全是聖人經世之意要知胡氏議論因左氏以為長狄生來宜就此發揮

即聯來伐得臣一鼓而敗之說者以為長狄也而經止書狄何哉蓋語橫

畝者特出于一人其類未必盡爾也安得以富父之捷遂改防風相延之號

譚過軾者特由于偶出其裔未必盡然也安得以子駒之勝遂易漆姓相傳

之稱經斯世者因名以考其地因地以飭其防庶知狄之非長而制禦之方

預矣斯聖人書狄之意哉

追戎

徐州 伐山戎

及姜戎

陸渾戎

赤狄侵州

白狄伐

河 大鹵

春秋屢正戎狄之名皆經世慮也

總叙以戎狄分重正名意

濟西

敗鹹

隨易他股皆同

春秋而正戎狄之名示人考也

術聘

經畧雜夷之脩禮其意微笑

主禮聘傳秦介戎狄云云然須識聖人謹防意方得此題肯綮蓋以中國之類浸淫于夷俗而不自覺則其禮既殊其心必異此識微者之所當謹也語秦之仁義不如魯衛之暴戾者邇秦之始封非若諸姬中處之區也凌遲至于康公詐力是崇

典礼殆盡矧今之未且將悍然執兵與世伯從事邊鄙故雖散器之陳安知無窺覘之計端節之致安知無不執之思聖人器以名紀經世慮深矣

河曲

春秋均構兵之罪尤甚夫理曲者焉 構兵提起重秦曲斷罪秦曲全在晉已服上見晉不奉詞令指河曲說末須帶之近說泥兩書人謂不奉詞令即晉不謝秦指令狐說似太拘○河曲交綏大都起令狐之役云夫雍非君也秦胡然而納秦非寇也晉胡然不謝二國均人宜矣乃秦罪則尤甚焉先是北徵之師晉實閉關謝過豈其不可訓定而剪關我羈馬蕩搖我瑕邑果奚為者故以秦之投壁祈戰較之固壘而不脩詞者其咎孰重以秦之掩軍輕肆視之薄河而不引咎者其罪孰浮經不書晉及其輕重之權衡乎

令狐 秦伐晉 河曲

經原二國交兵尤罪夫理曲者焉

令狐比入在構兵均貶內以伐晉講晉服罪倒歸秦曲上作大畧同

令狐 河曲

春秋兩均二國之罪而皆權其重者焉

秦伐晉 河曲

經原伯國服罪特甚夫理曲者焉

一串請下重本比作

世室屋壞

即內廟之毀而見不恭之罪矣

大事大廟 世室壞 武宮

經紀內廟因所祀而異其稱焉

只就廟制上癸不必斷罪周公夾輔肇曲阜之封魯公啓字膺元子之建群公次及延奕

世之

公如晉會晉公還會葬公至

經詳內君之出入志其安也

主公在楚傳反照見晉伯許成文子為相出入無危意夫以世伯為援已可无虞矧相之者又

為公室之輔則雖跋復往未猶在國之暇豫而已以夫臣為相已可无患

主之者又為宗盟之伯則雖越境踰時猶在魯之雍容而已即歲首在晉何

煩哉

載哉

同盟新城

經紀諸侯協于從伯明尊王之義也 此題要發聖人存周之心楚僭王便是無周惟諸侯從晉則楚外而周可存行事不相遠亦要別要知晉與諸侯未必能尊周全自聖人意思上發揮○自荆楚僭王于是不有周矣顧其不遽代周而王者非惧周惧有晉也非獨惧晉惧有衆諸侯也今七國咸矢心而從盟焉則晉得其與者楚失其助也改步改玉之思何所憑而逞楚失其助者周成其尊也江漢朝宗之義尚可翼而存矣不然以彼行事未遠亦奚必予奪其間哉故書同盟而君臣之義謹矣

厥貉 新城

春秋予奪諸侯之從違一尊王之心也

總叙總發意如單不必向上以厥貉新城分股蓋傳末一段總承予奪而

也 癸亥

楚伐鄭 厥貉 河曲 新城

春秋予奪乎內外而行事不計也

將行事問起下仍總發 同單

伐麋 新城

經于馮夏葉夏者皆即事以著罪焉

以楚蔡對作皆以厥貉為案重在 以事以驗其志上發揮

新城 辰陵

經予從伯而恕從夷為大分大倫計也

厥貉新城 會饒取鄆

經于從夷崇惡者皆即事以驗之也

新城 雞澤

而觀諸侯協盟謀外之得失見矣

星孛北斗

經紀天象之異示感應之理也

納捷菑弗克

春秋

文公六年

十九

外臣納小之不遂徙義之善見矣 徙義只重長幼一邊以臣置君意渾融串
 講要發非力弗克意二書法總收○夫纘且捷菑長幼之分較然矣盾以三
 揖欲擅而紊之豈義所敢出哉何幸盾之聞言而悟也夫擅晉之強豈不足
 遂一念之私第長君有人吾安得以私亂之况德色廢置以自市恩臣道謂
 何雖可必克弗為也挾盾之勢豈不足遂一念之欲乎 長吾安得以
 欲奪之况恣意操縱以自樹威臣禮謂何可雖必克弗脅也盾其有棄墉之
 義哉故書弗克而稱人庶徙義之美彰而置君之罪掩矣

觀魚 歸益 下易晉侯 伐秦同

春秋於內君譏文過而美改過焉

盟幽 納捷菑

觀經諱詞而貶內善外之意異焉

納捷菑 子哀奔

春秋于外臣而徙義存道皆予焉

秦誓列百篇之末易曰乘墉弗克 微子居三仁之首易曰見幾而作

納捷菑 歸益

春秋諱善外臣之改過顯予內君之遷善

納捷菑 宋公伐邾

經于納君存國者皆隱惡而揚善焉

伐鄭 侵西鄙

春秋討罪有累及乎上者有誅止其身者

鉞傳題 備查

子哀奔

經于外臣去國特貴其存道焉 子哀異姓之臣未受卿命原是去而昭公
 無道危亡之幾已見故道當愛身則愛身即所以存道或以見幾存道分看
 大謬○夫宋昭嗣位國事日非哀于斯時苟身都貴戚而去之情則何忍或
 位列鈞衡而去之責則誰尸乃今哀也一介疎逃服在下容是故避睢陽以

孤往托曲阜而盤桓爵祿不入其心肥遯以堅其志彼其清脩高節且與抱
器歸周者爭烈美故書字以貴之

司城奔 子哀奔

經于外臣去国有譏失職者有貴存道者

司城乃守土之官义无可去
封人非貴戚之卿道所當存

執單伯

大國以私辱內臣經特著其罪焉 以私意執單伯雖是商人亦見齊人黨惡
處已字指單伯自己之罪言○夫齊君舍魯甥也商人弑之悖矣願弑其君
而忌君所出之國忌夫魯而辱魯往使之臣此固商人敢于為惡而齊人之
黨惡者不具見哉故不稱行人以罪之

執子姬

經于大國辱君母而深嚴治黨之法焉 執母須本弑君說來罪齊人黨惡要
癸懷私意○夫舍為君嗣姬為君母使當弑舍時有伸討賊之法者彼商人
且殘執不免况敢為君母之辱哉惟其懷私惠而忘大倫君弑不討母執不
問是本國有不赦之罪矣故書齊人以治其黨云

華孫盟

逆嗣之不可世經因專行示禁焉 重在逆賊之後不可世上若是督者功臣
雖世官何妨此在前世已然委政字重看專行意根上串講○夫司馬之官
非渺秩也兵柄之司非備員也此惟資士功臣方可世授之柄華孫何人督
之後也自諸侯一立奕世相延迨昭公時乃有謬言承命假禮亞旅擅私交
而不忌者乃知宋之世督專行之禍媒也耦之專行華督之餘教也假令擇
功資而委以政豈其流弊至此故書華孫又不稱使俾為故國者母世臣若
華孫云

華孫盟 戰鞏

經于內外世官皆致其譏焉

上類非美者皆非功臣以逆賊後而世官者也
下任之非美者皆非能臣以父兄故而世官者也

春秋

須有分別

書救 會奔

而觀世官之宜皆其先有可錄者也

總起分作 繳歸華孫

季子歸

行父如齊

執曹

會奔

破同上

華孫盟

曹會奔

世官之得失于濟惡濟美見焉

賢者易股

取却髡

哀伯乃僖伯之子

舍至

豹子

嬰齊如晉

叔子

功臣易股

晉侯伐衛

先且居乃先軫之子

令狐新城盟

盾乃趙衰之子

鄆陵士會

會魏

武乃晉之裔

盈奔

盈乃枝之弟

單伯至

春秋謹礼以尊王于字命卿見焉

謹礼自聖人書法上說與存臣子之礼一般

尊命正以謹礼

一串說但單伯因執而歸要見命臣非齊所能辱方得旨

○夫單伯何人問其爵則大宗伯儋几筵而錫之者也頒秩自王惟王能操縱之矣問其祿則大司徒胙茅土而分之者也食來自王惟王能榮辱之矣故商人之威能加于伯而赫上綸音宛然在也對揚之思安可以俘歸而少替齊国之誣能施于伯而桓桓寵光今猶烈也肅將之念安可以見繫而少哀故書字以尊之而臣禮謹矣

逆王姬

會伐宋

如齊

單伯至

春秋屢字命卿尊王之意至矣

總叙渾作同單

單伯至

意如至

舍至

春秋屢紀大夫返國獨尊夫有命者焉

照單作以下二此相形于後

單伯至

舍至

春秋而紀內臣返國尊上資上之意寓焉

主合為是不得後傳

卻缺入蔡

春秋

卷之六

即與國被伯討附夷之罪著矣

新城不與卒致
晉伐而盟城下

行父如晉

下告方
伯搭此

諸侯盟扈

經以討罪望諸侯而槩致其責焉 晉與諸侯魯公本是俱罪但不宜大分三段只輕叙過渾斷為佳書法只是不序便了○夫以驟施之商人而乘孤危之舍其惡極矣維時晉為方伯諸侯同盟而魯則鄰壤俾能同心討之則罪人得而天常植矣乃八國以賂逸賊而魯竟不往其謂之何貪一時之賄利以隳三綱其一已之晏安而弛九伐晉與從往不往其罪均矣向非郟鄩閻職之謀則申池之游無恙竹中之變不生其不胥中國而夷狄者幾何故不序而等干夷衆罪咸見矣

敗蔡

楚文 荆伐鄭元

盟扈

春秋以夷例諸侯惟利于縱惡也

上二比只辨書
法例下同單

盟扈 會扈

春秋嚴于討罪而譏夫縱惡者焉

一討商人一討宋
鄭書法皆不序

歸叔姬

大國自絕夫君毋黨惡之罪彰矣

侵西鄙入鄆

經紀大國肆暴原罪于縱惡者焉

諸侯受賄不討故
商人无忌如此

陽穀弗及盟

即講信之無成內君吝分之罪著矣

公使大夫盟諸
侯故齊弗及盟

四不視朔

即內君之怠政放心之失見矣 告廟屬事神視政屬治民雖如此分屬宜連講為是放心意要重發此時公本有疾但自是以後無疾亦不視故不言疾○夫天子班朔諸侯奉之每月告廟而朝政布焉其心至兢也乃今月朔

四易祖廟不告何為哉宴安之念勝警惕之意微以故月事不勝煩時政不勝厭而屑越夫典章鬼神不相格百姓不相通而怠棄乎政事有以矣故不言疾以著其放心之失云

四不視朔 如晉有疾

經譏內君怠政而不同夫殺恥之詞焉

毀泉臺

加築臺倒作同單

經于內君之毀役原心而謹之也

滅庸

外夷覆叛以靖國經特滅其罪焉 舊主庸取滅楚善謀分股看耒渾融串講為長○方楚饑而庸叛爰上乎舍阪高之徙無策矣乃楚臣為賈定計伐庸而遂滅之君子曰天災流行何國蔑有而幸弱如庸不亡何待楚是時亦幸有為賈之謀也夫七遇皆北若過于詐然百濮之禍誰實深之矧振廩同食

惟社稷之也較之狡焉思啓不作矣二隊分進若過于暴然三宿之囚誰則使之矧乘驛會師實固圍之圖也視之無故凌人有間矣卒之群蠻受盟北門以啓未嘗不嘆聚誤之旅實自生厲階而離居走邑之料竟符左券矣不然世未有犯大不祥不反中其身者又豈有自救其亡不暇而暇恤人之亡哉故列三國而楚不稱師以滅楚罪者以此

楚人伐鄭

文九 滅庸

即外夷馮夏覆小用謀之得失見矣

范山謀而師狼淵為貴謀而師臨品

滅庸 州來

經重遷國而著內外用謀之得失焉

為賈以徙阪高為非而楚莊從之子駒以遷于吳為非而蔡昭棄之

滅庸 久陳

經于外夷有原情而恕覆國者有明義而畧取國者

為賈申叔時

孔父

仇牧

荀息

司城

子哀

經畧大夫之徇難以忠智而失也

孔父 仇牧 荀息 子哀

詳觀忠智之臣而徇難者非矣

以蕩意諸為主分配上下

伐宋

春秋重討賊深貶列卿之失職焉 失職句最重見有負立卿之意天字亦要

發○鮑以逆聞辜實不赦列卿居天位任天職方宜聲罪致討以稱代天之

責矣奈何不詰往田之故不究賜室之由而卒成其亂焉無亦聲勢相倚而

為是藪天乎權柄相資而為是逆天乎其失職甚矣故稱人以貶之

敗鄆

伐沈亡潰

如此題隨處可易不能備載

加本服

會亳

春秋畧釋賊之好明大義也 重君臣之義上受賂意文中亦要點○夫君臣

之義亘古不磨雖無道分非可刃也列卿不討猶望諸侯誥曰安率義旅

直抵睢陽則不道如鮑不至嗣宋而代之矣顧乃貪賂不討群而為此會焉

是鮑幸有夫人之內主又賴諸侯之外援也匡人可誘以厚施列群又可啗

以重賄也君臣之義所存幾何故不序以貶之云

伐宋

會亳

經紀兵好而交著君臣之廢義焉

遂得臣如齊

春秋並紀內使而見造逆者之罪矣 二人並書款啟問者見事情專重仲遂

上斷罪○諸侯立卿為公室輔遂乃私敬贏之變肆奪嫡之謀無何惡視之

禍過市之慘皆今日之造端矣故使价並書以著其罪

遂乞師

並文仲

敗鹹侯叔夏

遂得臣如

戰鞏

經紀使將有常例尤而變文以示義焉

重下二比一罪其送一罪其專

遂乞師 敗鹹 上易舍如晉係子服田 价下易大棘係樂奉副

會向 三卿伐言

春秋變例以紀使將失體專兵之罪見矣

葵丘 即位

經酌嗣君之稱而重恩節情之道寓矣

在喪稱子 踰年稱君

夫人歸

觀君母之無歎而衆罪具矣

傳首三句提起歸重下 遂敬贏 宣公上斷罪收不待 賤書法

以重禮也 宣公上斷罪收不待 賤書法 宣公上斷罪收不待 賤書法 宣公上斷罪收不待 賤書法

新刻魏狀元手著春秋意說卷之七

通州	魏藻德	著
蕭山	來集之	叅
雲間	夏允彝	較
潭陽	楊居宋	梓

即位

內君嗣位之逆經誅意以著罪焉 重一意字斷罪○夫宣公受位于逆賊之手縱賊于既立之後則是有欲弒之心而與賊同情矣故如其意而書即位以罪之

文即位 宣即位

內君嗣位有順逆春秋同詞以示義焉

四國伐鄭 却鄭伐宋 救邢 遂救許 即位 即位 去二即位以美惡大

春秋異詞以別美惡復有不嫌于同者焉

盟幽 葵丘 葵丘 鷄澤 平丘 平丘

經迭褒貶伯事其詞之同異可考矣

世復舊主褒詞與貶詞異而分惡惡不
然以盟幽之葵丘均一美也而葵之大小
分焉安得一葵視之鷄澤平丘均一惡也而葵之大小辨焉安得一葵視之
禁較平丘之矜威一美一惡之大不九自明矣故分美惡而言則于美之大
則于美惡之小者不嫌皆書同于美惡
大者不嫌皆再言一書法開而全訓精矣

盟幽 救邢 遂救許 葵丘

伯事之美有大小經褒之異其詞焉

入邾 城邢 齊人伐鄭 晉人宗人伐鄭

伯事有美惡經紀之不嫌于同焉

上同稱節
下同稱人

遂逆女

望國越禮圖婚經原罪于逆謀者焉 舊重廢禮斷罪然廢禮由于僉遂之逆

謀重罪逆謀為是○夫喪制大典也魯又秉禮之邦也奈何預藉婚媾之好

以成篡奪之私潛懷不軌之圖以廢喪禮之重彼敬嬴仲遂其罪不具見哉

遂納幣 遂逆女

而觀望國圖婚之亟起于意與謀也

婦姜至

經貶夫人越禮尤著妾母用事之罪焉 穆姜與有罪意甚輕只提起重敬嬴

斷罪○夫喪未暮而來逆夫人當以禮自防可也而輕從之則夫人與有罪

矣故不稱氏貶之也乃敬嬴之當國用事尤可鑒焉世適可戕夫人可出而

藉襄仲之私援成風之故當畏而納婦焉是欲為姑之亟矣命不踰閑之訓

其未聞乎哉故稱婦姜以顯之而罪自見矣

逆婦姜 婦姜至

兩觀望國圖婚國君妾母之罪著矣

行父如齊

以內卿而奉使誤于謀國者也 重不能討斷罪而不能討即在納賂請會上見傳末一段謂其謀國如此故雖有賢行而無其名不是以其賢備責之崇行不可與職任並提○夫行父國之上卿也屋楹之寄將父是賴謂宜厘沐浴之請伸汚瀆之辟奈何臨淄之使與遂接迹焉是為宣公書變國之謀者遂也為宣公建保國之策者父也彼其勤勞恭儉幾與晏嬰等埒而卒湮沒不稱有以哉

如齊 平州 濟西

夾谷 歸田

加如齊如晉只見相三君同上

賢臣之愧于顯君以其濟惡也

舊主對作是重傳說講為是見晏子既美佐景公而名顯顯行父雖勤儉計仲遂而名不

彰不然焉不食黍即有不掩之風也妾不衣帛即不衣不稱之意也何仲占也施當世而父執淫沒不稱哉

如齊 平州 濟西

大夫之濟惡此事可知矣

舊主一頭而脚不彈講同單為是納賂請會一串勿分蓋父之如齊為請會也然必有請賂之納而

請會之謀始於平州之會以熟故也然觀于濟西之取而納賂之實自彰

行父如陳

行父如齊

平州

濟西

行父如晉

成

內卿失于濟惡雖歷相無稱也

依傳不然口氣發揮

季子歸

行父如齊

春秋重靖難特褒貶夫內臣焉

中分後稍重行父不能承先上

行父如齊 侵崇

經于忠智之臣皆罪其謀國之誤焉

相无私積忠也奈何与仲遂同謀辨先遺策智也奈何与趙穿同志

放甲父

伯國專刑出于私春秋戒之也

舊主專私二小意固非近主專刑提起重私

上亦未安愚意專私融串在中為妙○夫國家三尺法非可輕用上稟天子之命下出君公之意而二三執政無敢以私而專行之者茲甲父之放倘詰偏師獨出之故究軍門借呼之因具罪狀而聽之天子即晉君無能私庇而肯敢肆胸臆于其間哉奈何其始也既命之而飾喜其既也又刑之而飾怒其有庇也擅縱以為福其無援也輒操以為威卒之挑園乃謹狐筆上侵之禍不較著哉

敗箕 河曲 甲父

伯國命討遠于正而私刑尤足戒也

須將專意從何重私上作若同上恐太混

敗箕 甲父

伯國之專命討皆遠于正者也

上以自命先事賞晉臣甲父胥臣子也命討勿大開中分串下為妙

河曲 甲父

經原伯國用刑深罪其私焉

倒作同車重以

放甲父 趙鞅歸

經于伯國縱縱皆罪其私焉

甲父 侵崇

經紀專刑專兵而皆誅伯臣之志焉

重志上固形于此又見于此

會平州

望國講好固位經變文以治其黨焉

重定位上斷齊黨惡春秋以來數句甚

重須發○夫弑君篡國者每藉列會以免討則是平州未會之先宣為逆賊

者儔平州既會之後宣與列侯者伍齊惠黨惡之罪可勝誅哉

平州 盟戚 執專 曹伯歸

經罪大國黨內即列會不討者徵焉

重平州上作現負勇以列會藉口則列會之關縱惡非小者而齊乃會平州以

黨宣是負勇先見于我魯而會戚乃平州之濫觴耳

遂如齊

經紀強臣逆謀之終為專權者戒也

重成惡上發揮內外交結是總論文中

須重外結為是要見垂戒意○夫遂之濟惡始于並使之日成于拜成之卒

則子赤之寃自是莫伸魯宣之逆自是莫討良由敬嬴內主而海岱之強藩

且為之羽翼故得_{以終其惡而成其謀也}後之君人者戒諸

遂得臣如齊

如始

行父如姑

遂逆女

行父如請會

詳觀內臣交外始終成惡之罪見矣

專主仲遂得

遂得臣如齊

遂如齊

觀內臣逆謀之始終其罪著矣

始終

遂得臣如

遂如齊

取濟西

歸濟

經于內臣外君皆著其成惡之罪焉

取濟西

大國利于黨惡經明義以著罪焉

平州只是黨惡此則重罪其負盟主隣國

意亦要發揮○夫齊魯隣國有先然後聞之義况齊乃盟主餘業尤以克脩

其職者今乃取其田而成其惡是利其為惡而助之也謂大義何蓋不特無

取于隣國而盟主之業亦墜矣故書取以罪之

平州 濟西

大國列會而取邑黨惡之罪彰矣

列會負利是一串事中小分前後兩請此
題有主納賂請會者但黨惡係二傳正漸

俱主罪
齊為是

高子盟

取田

加春王正
月平州同

經原大國先業特罪其利于黨惡焉

主創作
為是

侵陳宋

貳國附夷以凌夏經貶其非義焉 重在不能討宋上見其附楚凌夏大非棄

晉本意亟字指侵陳又侵宋言○夫鄭以釋宋之故絕晉而去則當時義所

得為者有匡晉闕耳楚非所當從也有言宋罪耳陳非所當虐也奈何無罪

之陳附楚以侵之有罪之宋因陳以及之其何以矯晉之逸罰而正宋之典刑哉甚矣鄭之不義也故人鄭而復書侵者以此

伐宋 會扈 侵陳宋

貳國棄伯而失于後夷經正之以義焉

伐宋 會扈 侵陳宋 救陳 隼林伐

貳國味所擇而致伯兵經以義正焉

重前不義上下
二此彈講在內

侵陳宋 隼林伐

貳國兵舉于非義即伯討益見也

此上題去救陳股全旨有此題出
河亦新以隼林切于正即罪耳

救陳 隼林伐

即伯兵而舉于義味義者之罪見矣

須重罪即
勿作予晉

救陳 隼林伐 圍彭城 次鄆

春秋始予伯兵以明大防繼予伯兵以正大分

盾救

春秋筆削伯救見救不可槩施也

舊主兩分因是平受愚細玩傳文不重救

陳為精削救一段因上說書救未有不善若何救宋又削不錄蓋因宋之有

罪故不得槩施之耳是抽出辯論足上善救之意須渾融串講高明者正之

○夫陳宋被侵盾也救之乃經之筆削其為豈陳惠當拯宋人獨可傾覆而

莫省憂耶噫自誅討外聖人之善救未始不卷矣彼無辜之陳豈負罪之

宋比哉吾知均一侵也在陳為橫見侵迫在宋則為當伸之刑故均一救也

在陳為救患分災在宋則為不喪之亢同室可以纓冠而帥甸之逆即開戶

而非過門庭所當利禦而賂免之賊雖左次而何嫌聖人一筆一削無非重

救意耳厥訓精哉

伐宋 會扈 侵陳宋 救陳

如隼林即
侵宋博題

春秋于伯救必原事而致筆削焉

題股既多須
兩合

侵陳宋 盾救陳

經原伯兵之利禦特筆以示褒焉

伐宋 會扈 救陳

春秋深貶縱惡削救之意可推矣

裴林伐鄭

春秋謹禮以紀兵尤著伯義之美焉

舊注對作虛實不倫且兩截為融若遇

二意即主對掬此經義拘方之弊也傳上段須細玩曰君為重指諸侯非盾

敢抗曰大夫與師體敵見書大夫書師皆得也今不可書盾又不可師將並

書故以敵體者書之耳此與會扈稍異勿執彼泥此下段只美其合義勿美

其功○夫諸侯千乘主也盾三揖臣也以諸侯會盾則赫君公盾實並之

聖人以為與其臣疑于君而名分莫正元宰師重于將而敵體稍備一稱師

則謹禮之意昭矣然地而後伐疑詞也此何者其美哉蓋以鄭附楚則否泰

奚辨幸晉也問外比之故詰內侵之由雖解揚虜而泗上無功而使天下知

夏不可棄夷不可厭者賴是伐不少矣故書會伐以著其美云

會扈 盾救 裴林伐 加公伐和 鞏帥師同

春秋紀兵同詞以正防嚴詞以謹禮 題股既多 須兩分

春秋紀兵有常例特示謹禮之意焉 主君為重二句搭出姑自稱謂上段須 知裴林非另是一例以盾所直乃是夫

夫帥師而諸侯會之既不將師將並書從于知父敵作之例又不可稱書名 氏疑于晉侯君將之稱故不稱盾而稱師蓋與其臣疑于君而大分喻寧使 師重于將而 大禮正矣

晉侯伐衛 虺父救江 皆同 隨易股

經辨君與大夫之將重尊君也 然起中分後 源渾下條 重君之意方合傳旨

會扈 裴林伐

春秋同詞紀兵以美惡之自明也 美惡俱自伐上見 勿下會上討意義

春秋

侵崇

伯臣求成非道逆心見矣 穿盾勿並提玩傳重在青穿當國者云云乃將來
一驗耳照傳口氣用之求成非道作事迹講起須推原逆心斷罪○攷崇突
秦宇下晉之尋師于崇謂可致秦救而取成耳夫天下容有委身事人親其
與以藉為地者未有反虐其與以激之者也容有効其情實凱人憐以幸無
辱者未有故按可惡而中之者也果孰為首事而庸此設計乎良由有趙
穿者上卿盾之族子也內有造逆發難之意而且以操權陰圖于中足雖不
軌之習矣中有取民有衆之念而聊以求成陽諱于外是犯無將之戒矣不
然豈穿迂謀誤國而多筭如盾者亦漫無可否何哉

救江 侵崇

兵有攻所必救者施之求成則悖矣

二後皆攻所必救但以救患則是以求成則非穿非請于此第為逆心所使耳

救江 入陳

兩子合義之兵將為昧義者律也

此題從侵崇與齊伐二傳合求上此諸伐異矣文法相同亦未嘗伐鄭傳亦有但文法稍異主此為當

侵崇 樂書伐鄭

春秋所罪有以逆心成大者有以利心從夷者

晉宋伐鄭

經于伯主用兵深罪其黨惠焉 重在黨宋上斷罪曰以燕伐燕曰何以伐人
總是即伐鄭以見其黨宋之罪也若在伐鄭上講則失傳意○夫帥甸之逆
雖已免討然論王法則其罪猶在也今乃與之合兵伐鄭則是弑君之賊不
惟可以免一時之討且可以徼從兵之惠賄賂之彰不惟可以固位于本國
而且可肆暴于鄰邦晉之黨惠如此其何以伐人哉二書法總倒

會扈 伐鄭

加伐宋同再 加救陳亦同

伯主繼惡以討貳經以王法正焉

串下 同卑

救陳 伐鄭

經惡伯主黨惡于恤患連兵見焉

大棘敗獲

春秋並紀師將兼所重也 玩傳雖師將並重然須有低昂蓋不使將獨重而

師獨輕也亦須就題發明方為親切○攷大棘之戰主帥見俘方懷司命之

殞元戎失利誰憐邦本之傷不知聞鼙鼓則當重仕猷之元老念社稷尤當

先敵愾之僕夫故兵車文馬之贖誠知為于斯棄甲之計而甲乘俘馘之多

安可無敗國殄民之憂為君者要當明八徵之條而韜鈴之寄慎選以充守

一成之法而師旅之試相時以勤庶將重而師亦不輕矣斯王道之權衡乎

大棘

經紀二國交兵特著外討之有名焉

主侵鄭傳見鄭有詞于宋故宋不能服而至數獲頃如鄭直即楚直宋曲即晉

世為下段 鄭斷案

入郕 单伯 棄師 城濮 大棘

春秋佚紀師將而示兼重之義焉

海林作法可玩宋以敗獲並書問起即至大夫雖貴與師等意隨請入郕单伯見入

脚稱師以卑不敵眾也華元之將豈卑乎单伯稱將以火不敵眾也大棘之

帥豈火乎故並書於策欲人君慎于用師不然者如却處高克可盜也又欲

人君重于選將不然者如楚殺將臣可盜也斯王道之權衡乎

单伯伐 城邢

大棘或出晉宋衛齊殖侵鄭

迭紀師將而酌其稱兼所重也 總叙彈發吾攷春秋師晉之紀初入稱師蓋

並稱蓋其尊與眾敬也或互參或並持其輕重若懸

經紀師將之偏重正以示兼重之意也

忽起中渾 謹勿兩分

棄師 城濮 大棘

經惡二國之輕師將示兼重之義焉

上二此提 講同本此

春秋

棄師 城濮

經戒夫輕師將者兼重之義昭矣

三國伐宋 圍宋

易城楚丘亦書故同 全旨有此題須認

現二伯之用兵而見師將之並重矣

以桓文兩分但桓能制兵則師可知文能蹙將則兵可知須知此意

彭衙

盟戲

上易敗乃 不殺林父

觀二君之於師將知所重矣

穆用孟明子棄得臣異矣 悼分軍不戰與棄師異矣

次郎 闞邲

師還

河曲

卻敗

伐秦

經重師將示輕役輕選之戒焉

以大轉 起繳

秦師伐晉

春秋筆削復怨之兵誅伯臣上侵之意也

此傳就利害已然上斷罪與侵崇

造謀有別且上傳全重罪穿而盾特帶驗此則穿盾並責○先是晉之兵崇

所以成秦好乃今秦寇晉郊而禍及焦邑豈穿慮不及此而盾之笑有所責

哉良由意欲得兵而不計重禍耳故即今日之伐以究上侵之意乃知穿非

拙于平鄰實巧于圖君也盾非憐于當國實詭于庇宗也蓋不待桃園及發

董狐獄成而于秦晉與戎之日已知鞅鞅者非少主臣矣故書伐而不書圍

怨秦以責晉也其易謹履霜意與

侵崇 伐晉

伯國以攻與致寇上侵之意見矣

同單 串作

今狐

裴林

侵崇

伐晉

伯臣美筭而踈于求成逆可知也

主責盾一串 作穿帶之

今狐 救陳

兩觀伯臣之善筭求成之故可推矣

四國侵鄭

經于伯兵不競特示端本之責焉

傳中本始理字總是一樣俱在取賂釋宋

上見晉之侵鄭以抗楚本以報大棘然大棘楚實有詞晉如何敵得楚服得
鄭須推本上傳方有原委服鄭抗楚勿對須聯說○蓋兵不以力勝而以理
勝理不在臨敵而在謀始始慎則本端此誓服夷夏之大機也今日之晉非
取賂釋宋之晉乎今日所侵之鄭非奉楚伐宋之鄭乎吾自居其曲安能負
曲以求伸吾遺楚以義安能服鄭而抗楚前以貪心墮今聞後以畏心損伯
威陰以逸賊而喪氣陽以宗兢而托名時事至此晉其如之何哉書法聯收

大棘 侵鄭 加會 龜同

經原外討有詞而深咎伯義之歎焉

此題勿分須申作詞申以侵鄭問起入 講先提大棘有詞倒歸本出要知楚作

能討罪但兵加有罪之 國便是有詞故曰直

伐宋 會扈 大棘 侵鄭 加禁林伐晉 宋伐鄭同

伯主棄義而卒不振經端本以示責焉

重正本意流水做下渾後舊主人 棘不能服鄭侵鄭不能抗楚大謬

踐土 新城 救陳 禁林

觀王盟當國之迹不競之故可推矣

以侵鄭起繳只新城禁林舊主等語 策者未善善無明文新城切于主盟派

主侵鄭傳為是若去盟比易 以令狐禁林主善善無疑

四國侵鄭 平莒及邾

觀避敵與脅小者均失服人之本也

子哀 華元 下北易季子歸同或有搭立 晉沂奔主石碭伯王者倫之

觀二臣之亂亂伯臣之罪彰矣

乃不郊

經紀望國祀禮深責其慢王焉 魯郊本僭此因其不奔王喪而書之○君臣

天下之大倫始終人道之大變魯不奔匡王喪而急于行郊禮不臣甚矣故

書以譏之 荀剽聘 公如楚

經于內外脩禮且責其慢焉

晉衛不奔簡王之喪而聘魯 魯不奔墮王之喪而如楚

猶三望

望國舉詩已之祀經譏其僭焉 只重僭上勿泥猶字為瀆禮○天子有方望魯非天子則河海于魯何與焉而猶望不已豈知禮所當為者哉故書猶以譏之

伐陸渾戎

春秋紀外患兩為周室慮焉 二意勿太開宜渾敵申講總重周室上陸渾是我號非地名切勿誤認窺周雖有規兵問鼎二意還重問鼎為是○且王畿何地也周先王建邦在茲豈謂渾戎洵足乎周先王定鼎在茲豈謂荆蠻敢垂涎乎乃今戎虜周疆楚人伐之且乘此問鼎為此其關於周室豈小哉天子無重閉之固則犖敵之安危特旦夕懸之而復重以楚人之外寇也操控馭之歎者將何以禦之荆尸萌改玉之心則剋剽之曆卜嘗試圖之而復重以戎人之內擾也懷肅清之慮者將何以籌之不然以一昧未氓之周西

迫我而南猷楚豈獨陸辛有之嗟而煩王孫之喋喋哉

伐陸渾 滅陸渾

春秋謹華夷之辨而因用兵而致意焉

俱重王 歲上發

伐陸渾 滅舒蓼

春秋兩志外患皆經世慮也

二此俱是夷狄相攻但上為王室 真下為中國計總經世之慮

楚侵鄭

經善貳國之反正特惡外暴以示意焉 此題須從罪楚上寫出予鄭意見友正如鄭而楚其可以侵掠之哉須如此體貼發揮○夫鄭自鄙晉而南其失所從無論已使鄭猶昔日之鄭即加以兵亦何足為楚咎者乃今嗣伯方立南轅遽改鄭其觀日月之更乎而楚之凌我懿親何為也伯政方新北從遂因鄭其有風雷之益乎而楚之擾我王畿何裁也蓋惟鄭在所樂予故楚在所深罪矣此聖人書楚人侵鄭意哉

會扈 侵陳宋 楚侵鄭扈同

經原貳國之反正特罪外兵以予之焉

串作同單

宋師圍曹

春秋重治罪特因報怨而示責焉 宋惟有不赦句最要發揮莫治還屬當時說與自治之治分明有別故書法如此乃卷々誅討之意○夫宋鮑逆聞辜實不赦盡國人可誅之何獨武穆奉侯伯可誅之何獨曹人此固本原之當正精蓋少省乎哉奈何在官未討而復弄其干戈是負元亮者可恣行無忌也爭必不弭矣在官逸罰而復競其甲矢是躬大慙者可橫逞而不悛也亂必不戢矣故不書伐宋而書圍曹其捲上治罪之意何如哉

伐宋 會扈 盾救 晉宋伐 圍曹

大國負罪莫治經因報怨示責焉

圍曹 平郊三

經罪復怨與平怨各款正已也

平言及郊不肯伐取

望國平怨無成由失其本也 公之心偏係于郊故利于郊言之平不可以取向為利書法只書取餘不重○當時宣欲為郊之庇故理雖曲而加伸欲劫莒之成故理雖直而加抑夫平不為兩國之公則是平也係乎郊不係乎莒固私心所起也言人覘其私心而肯帖然聽乎此雖自反不暇而莒都之震何為也平出于一己之私則是平也便于郊亦便于魚是利心所萌也言人窺其利心而肯儻然甘乎此雖反已不遑而莒邑之披又何為也不然豈以區區莒邦而顧梗令至此哉故特書取而公之罪著矣

會扈 大棘

上比易會柴同子家答賦

即大夫之秉政權而知從逆之罪矣

侵崇 大棘

能馳詞當晉而不能制亂臣能擁衆敗宋而不能討逆賊所以不免弒君之罪

春秋而著外臣之逆誅首惡也

上不罪穿而罪盾下不罪宋而罪婦生

如齊至

內君昧義以事大經特著其危焉

惟利交是奉便有取危之道不必指天王

方伯來討言義字要重發○天下惟義為可安而勢利之交未有能晏然無

危者公之於齊惟利交是奉而可保乎姑無論公義在人心齊難為公庇即

如高固之事魯苟不從危殆所不免矣故書至以訊之利交者戒哉

遂得臣如 即位 平州 濟西 如齊至 如齊至 固逆

望國利交而終辱經特著其危也

同單事作為是分三段者大器

如齊至

如齊至

經而紀內君事大而皆著其危焉

主此年如齊句搭出酒薄融液作勿以礼義分

楚子伐鄭

經重討賊特爵外兵以示意焉

主九年伐鄭傳須發至人重傷中國不討故措楚寓意非予楚討賊也

如齊至

內君事大而取辱昧于禮也

止公請叔姬便是辱重珠礼断罪收書至書法大意同下

如齊至 高固逆

內君因事大而婚外臣昧于禮也

高固強婚我公主婚雖皆是內辱還重強

婚而主婚帶之勿平看昧禮自倚齊為安上說○夫守身之幹惟禮為先公

以千乘之國強婚于三揖之臣良由恭不近禮故得此辱耳况又自為之主

而卑朝廷慢宗廟曾謂秉禮之國而可若是哉故詳書以示鑒焉

高固逆 會虢

內君事大貽辱視當強者愧矣

將子產提在前制重宣公上作

紀朝 如齊至 良夫盟

春秋三紀事而見言行交際之當謹矣

叔姬來

春秋紀嘉禮之失而獨重外臣之罪焉。題不甚佳而諸說所主不一。愚意將叔姬提起承以高固，又將齊惠提起承以高固，俱重高固上，斷罪但勿大開。須渾作為是。○夫先王制為嘉禮，雖一往來之際，有甚不苟者，乃今高固叔姬之來，果得禮乎哉？夫踰時而即來，姬之歸寧失矣，固何為縱之而無嫌許？臣以輕行惠之制，命過矣，固何為委之而不忌？是婦道因夫道而始失君道，因臣道而益乖矣。書及書來，固之罪容掩哉。

高子盟 善道

而觀大夫適國皆與禮法合也

上以君命下以公事以固起繳

楚人伐鄭

經重討賊故于服貳者貶焉

玩伐鄭傳賊則不討句重討賊上并渾

盾免侵

加楚人伐鄭同但伐舟侵並用

經陋伯兵討貳以主盟之道失也

傳首一段不重只重侵上仁智勿分析

盟之道所該甚廣，兼平日與侵伐言。○伯者宗主齊盟一舉一動諸侯之從違係焉。晉之於陳始不難恤其患而彼忍背之，繼不難連其兵而彼忍舍之。此豈陳之無良無亦已德有闕，主盟之道非耳。乃仁智不反伐而復侵焉，其失道甚矣。何以挽陳人之心哉？故不書伐而書侵以此。

盾救

棊林

四國侵

楚人伐鄭

盾免侵

經原伯德不能固小而責其昧于自反焉

流水講下同單

救陳

棊林伐

四國侵

伯王之當自反于恤患連兵見焉

盾免侵

會扈伐

而觀伯討始悖乎義而終合乎禮也

兩边俱有自反意

八月蝻

經紀望國物變欲其慎所感也

伐莒 伐萊 稅畝

望國屢勤兵而卒變法昧于承天者也

一串作下

良夫盟

經紀與國前定之盟直見其不足貴焉 重前定上發揮但黑壤事在下此盟只渾、含蓄說不能保其無辱至大講後方露出黑壤直斷其不足恃與毫比一般文中將魯衛參講勿用斷罪語○夫衛以前定之約申固結之情吾意晉魯之和好有日矣然衛以一盟堅魯果能恃此以無虞乎苟不能無虞則所謂任其無咎者咎所不免也魯以一盟信晉果能藉此以無危乎倘不能無危則所謂必有所疑者疑將愈結也卒之黃父辭盟晉怒未殄雖非衛之皆魯而盟不足貴不較著哉

良夫盟 黑壤

加兩如齊只作未盟緣故

望國恃盟而終辱無貴盟矣

一串作下

伐萊公至大旱

內君悖德以召天變春秋特譏焉 齊提起只重罪魯一直渾作○伐萊之伐經之別外志曰會則齊罪固彰明較著哉又曷至公而繼以旱書也君子曰夫齊亦何厭之有獨奈何公之殘民以逞而上干天和耶虐無罪之小邦以取媚于大國殃無辜之赤子以釀禍于域中卒之乖氣薰蒸恒陽薦至公方振旅而大旱繼之也者詎不稱天道哉故至而書旱以此

伐萊至

內君徇大以凌小春秋之所危也

以會字辨起齊志只重魯上作收至字書法危字就恃強凌弱上說

伐萊

內外連兵以虐小其失德均也

既無至字書法主齊魯並責為是收會字書法見齊為志而魯徇之

大旱

望國召變而不能弭春秋譏焉

重致變意不能弭一串帶下

平郊取向 伐萊公至

春秋而紀兵皆歸責于望國焉

魯志齊志只是事實重取
向伐至主魯斷罪為是

黑壤

經諱內君之見辱以不直在已也 重不事盟主賂免只驗其不直帶說不歉
于心即是不直勿涉篡弑意重聖人書法上發揮○夫黑壤之會諸侯咸列
而魯獨不與焉此其罪豈在晉哉王帛不脩既負慢伯之愆賄賂是彰且為
倖免之計則不直在已矣故不書盟以諱之所以養愛敬之心而臣禮存矣

黑壤 沙隨 平丘不與

經諱內君之見辱以與理直者異也

重本
敗作

遂如齊至黃乃復

內臣奉使不終無其上也 二書法總是壅君命一意○夫大夫出使聞父母
之喪尚徐行而不返既死猶以尸將事而况疾乎遂之至黃而返以是為無

上矣故書乃復以著其罪

至黃乃復 至穀還

春秋紀事有譏壅君命者有予權君命者

有事太廟

經紀時祭之常意在志變也 祭祀合禮不書獨書此者分明為有仲遂之變
文中須含蓄發之○夫駿奔于列祖因為水本木源之報而苟有偶值其變
者又當推尊祖之心以盡待下之禮對越于有廟因為霜雪雨露之恩而苟
有難盡其常者又當移肅敬之意以隆寵遇之恩

猶繹萬入去籥

經重遇臣之禮特于內祀之變譏焉 仲遂逆臣何足全恩只是借遂以著教
意故知二字須重發揮○夫仲遂之故既聞于終事則繹之禮可已矣使魯
不知其不可繹猶可諉也乃今于萬之無聲者入而遂用于籥之有聲者去

而不作是明知而明為之也孰若勿繹之為得哉經故書猶以譏之而君人者當隆待臣之禮矣

首止 葵丘 猶繹

春秋尊君抑臣充示遇臣之禮焉

重本股為是舊主對未妥

有事太廟猶繹 有事武宮去樂卒事

而觀內祀之變而禮之得失見矣

晉狄伐秦

伯國資夷報怨失其職矣 傳首晉主夏盟四句最重乃是因其資夷殘夏而

責其脩安攘之職報怨意入中翻斷○夫成繼文襄而伯將秦是安將狄是

擯而况侵崇之怨已實深之今縱不能省厥愆尤以固唇齒頤何至借兵干

狄哉吾姻戚之不相能則亦已矣狄何人斯而亦藉之武也吾致寇之不能

反配咎矣狄則何人而乃連之兵也逞小忿而潰大防失職甚矣宜經直書

以示貶云

踐土 敗箕 救陳 侵崇 伐晉 伐秦

伯國資夷報怨本先職而罪之也

踐土 文 敗箕 襄 救陳 靈

即伯國安攘之世業而失職者愧矣

晉主夏盟數句原是一滾說下不必拘拘分屬即各比內俱有主盟安攘意方

為渾融以伐秦起繳

侵崇 秦師伐晉 晉狄伐秦

經原伯國報怨深責其資夷焉

一串做下

滅舒蓼

經重經世之謀因外強而示訓焉 攘却之謀只是未然之防勿講太實重外

勢上發揮○夫莊王在位既非商臣之少孺叔敖秉政又非范山之無良舒

蓼之滅豈僅僅遂已哉即其滑汭之及吳越之盟浸浸乎有席捲中華囊括

泗上之意矣任世道者伯主固當為攘却之慮輔伯主者列辟亦當奮厲懲之籌庶漢陽諸姬不至為舒蓼之續耳春秋特志其事其桑土之防衣衾之戒與

舒蓼 會宋

春秋訓經世而以謀與畧示焉

楚師伐陳

與國皆伯以從夷昧義之罪見矣

主會意伐陳傳責陳背晉

如齊至蔑如京

望國媚大而慢王經特表其罪焉 須模寫故慢懸絕意但再朝自平日言當

與一聘先提起春朝夏聘是臨時緩急厚薄之不同朝自是君往聘自是臣

行不必再將君臣朝聘分拆齊周勿對當以事齊形其慢周書法收王正月

與書至○夫天下莫尊于周尤莫大於朝君之典非可以同列等而上之也

宣如知此豈其以曩昔再朝之隣邦反加于今日一聘之共主哉奈何當其

春也躬朝于齊境及其夏也臣聘于周庭念瓊瑤之報而忘本原之思急朋

比之情而忽天澤之分是堂堂周室反不若一齊之重矣豈其未奉周期而

敢于陵畔至此哉故書王正而尤必致其罪魯深矣

如齊至

經于內君事大特表其慢王之罪焉

只自朝齊上斷其不朝周二書法總收

蔑如京

即內臣脩禮于王室慢可知矣

如齊至

四

如齊至

五

如齊至

蔑如京

望國謹于大而忽于王經特著其罪焉

重再朝一聘書法每行必致蕪王正月

春王正月公如齊 春王正月公在楚

經重尊王與存君皆于歲首示意焉

春秋

宣公七年

一

茂如京 佐聘

經紀內外脩禮而見思孝之胥失焉

會扈伐陳

觀貳國所以服不義者其有禮見矣 予晉罪陳勿平將陳不義提講串下予

晉極安舊主而分大失輕重不可從○夫以宗盟之晉嘗有拯恤之恩陳舍

晉奚從焉乃因楚師之伐猶藉口于走險今當會扈之待竟矢志于入幽其

不義甚矣以故晉也文告在誓師之先攻伐繼序成之後以彼梗我齊盟吾

紆徐以招之招而不來而威武始震焉其反仁反智之餘思乎以彼忘我匡

救吾雍容以俟之俟而不至而干戈始揚焉斯脩言脩意之遺風乎不然彼

會扈諸侯何仇于陳何德于晉而衆輯若此豈非不義在陳而晉服之有哉

會扈

伯國以禮待貳春秋特于焉

與全題相同但在會扈發揮

荀林父伐陳

伯臣因不會而加兵經予其衆之輯焉

此題或主罪陳然觀林父以諸侯之師伐之句予晉為是即衆輯亦屬晉

一處主罪陳未妥

新城 盾救 楚師伐陳 會扈伐陳

經原與國之從夷而深予伯兵之有禮焉

一串作下見陳之不義如此而晉猶會而後伐所以為有禮

新城 盾救 楚師伐陳

經原伯主之不可背因責與國之昧義焉

新城 救陳

伯國之不可背于主盟恤患見焉

二此串講見陳皆晉之非此題有相以者秦師伐晉傳策無遺策句出救陳不可出

新城四國侵鄭傳晉主夏盟盾既當國句出新城不可出救陳須有別

宋人圍滕

大國棄變以虐小經貶其不仁焉 滕既小國二句一串說下重在伐喪上○

夫勝以蕞爾彈丸之國又值熒熒多故之秋矜哀弔恤惟宋是望今乃帥師遣將環其邑而攻之其不仁甚矣故特稱人以貶之

伐鄭缺救

外夷重兵虐貳經而致詞以貶焉 要在重兵上發其凌暴之罪缺救意串發

○楚之伐鄭問厲役之逃也時蓋楚子親將臨以重兵焉夫蕞爾荊蠻即偏師北旅震驚不堪墊隘况四郊皆戎馬之場其禍何可長也蠢爾荆蠻即偏師北指足煩戒嚴况輿師盡荆南之武其毒何可堪也向非卻缺之救柳棼之敗何以渴其鋒耶二書法總收

伐鄭

經于外夷凌夏特舉重以著罪焉

救鄭

經紀伯臣恤患而肆患者之罪著矣

重書法上發楚凌夏之罪

侵鄭 伐鄭 伐鄭 伐鄭

春秋屢紀外兵特著重兵之罪焉

舊主四段作以正分存防總東然不如倒傳便而且當

楚人侵鄭年 楚子伐鄭年

春秋而紀外兵存防正分之意寓焉

楚子伐鄭年 楚人伐鄭年

春秋予奪外兵無非重討賊也

楚子伐鄭年 楚子伐鄭年

春秋而爵外夷正分存防之意異焉

四北中碎合惟上三題為正若三年侵與五年伐以紀義順義合三年侵與九

年伐皆是正防若加缺救則主志外暴以予反正錄內救以惡禮夏備載以便稽查

晉侯伐衛公伐 楚子伐鄭

經惡外暴而律以舉重之例焉

主例傳同

楚伐缺救 楚伐書救

經而惡外夷虐貳皆托伯救以見焉

伐鄭缺救 伐陳衛救

經于凌夏虐貳者皆托救以著罪焉

白入取糾 下陽

聖人以臣道著訓權之義而已

以子糾之死之奇之言與起重仲當生奚當默方合傳

觀魚傳伯語

下陽百里奚默

苟息死

夷儀晏平仲生

歷觀大夫而得語默死生之宜焉

哀奔 嬰齊如晉 入陳

去嬰齊以得于知于忠兩分

兩觀八臣之亂而效忠者過矣

哀奔 即位

兩觀亂之臣而見徇亂者之過矣

哀奔 即位 宋楚平 素婁

觀劇難謀國之臣而忠智兩得矣

如齊至

經畧望國之事大以無闕于大分也

舊主書至書法以利交斲罪殊非傳意

還重不書月歸在謹分為是全重書法上發揮梅林所謂傳發于此而意在

彼是也○夫九年如齊而適有仲茂之遣則君臣名分之際固若斯當謹矣

乃今日歸田之私豈可以論哉夫齊以事已之故而私歸地于魯此豈淺

失而試觀天澤之際則有分矣魯以事人之故而私得地于齊此豈細過而

試較冠履之間則有辨矣不然慢王之惡僅苛于惠遺之愆安在為謹嚴之

書哉故不書月者以此

如齊至

如齊至

加茂如京歸齊西同

春秋兩紀望國事大深示謹分之意焉

總問起中渾講勿分以二此相形發聖人謹分之意

如齊至 歸田

經畧內君懷私之行以無關於大分也

歸濟西

經紀大國歸地深著其成惡之罪焉。重我字書法在齊人成惡上斷罪末一段時皆提講在前今只入講中將魯得地引起齊歸地以見其成惡更為渾融。蓋魯宣弒逆以濟西賂免而其心猶有所畏也至于今日濟西之歸則其心孚意契真有懽然相忘者蓋不待利交之奉可恃以無恐且因親愛之意益恣而無忌矣此雖魯君卑屈事人之過而齊助成弒逆之罪可勝道哉故特書我以歸責於齊云

逆叔姬

伐萊

如齊

如齊

歸濟西

如謹聞只辨書法

經原大國歸地之由深罪其成惡焉

疏水做下

取濟西

歸濟西

大國以賂地歸內成惡之罪彰矣

中下同單

歸濟西

歸謹聞

大國成惡之私故不與遷善者同紀也

下比只办書法文中挑講記在此傳所出勿作歸三四傳

歸濟西

如齊至

取汶陽

如晉至

去濟西汶陽同

望國而因利而事伯春秋均貶其慢王焉

崔氏奔

經紀外臣去國所以辨強宗也。以族奔只作事實重欲齊君早辨上敷衍不可用斷罪語。夫崔杼之出也棄臨淄而竄迹望曲阜而托身不過一亡大夫耳豈知出自丁公之世繼掌齊國之權今日之出者崔氏也他日之返而弒者亦崔氏也於此能辨之早彼雖欲一返且不可得而况于弒君哉此春秋書氏意也

滕朝

穀鄧朝

圍新城

圍緡

詳聖人屬詞之旨皆不泥于其事者也

重詞一也見詞所宜異則以特筆示貶即事之同無論已詞所宜同則以

一例見訊即事之異無論已皆自看經者說

荆伐鄭 楚人伐鄭 楚子伐鄭 楚子伐鄭 ○四國伐鄭

邾鄭伐 會襄伐 邾林伐 ○召陵 葵丘 袁婁 平丘 以上題

求賻 崔氏奔

經之稱氏有示世官之戒有謹強宗之辨

伐鄭圍新城 伐宋圍緡 伐鄭 宣 伐鄭 宣

春秋紀事寓意皆不以同詞泥焉 上事異而詞同下詞同而意異乃崔奔與宣十年伐鄭傳合出

如齊至

經詳望國事大特甚其慢王也 不奔王喪在前今因奔齊喪而罪之

如齊至 春 如齊至 夏

春秋而致望國事大甚慢王之責也

如齊至 歸父如齊

觀望國君臣之事大皆失于慢王也 以奔喪會葬分總重慢王

宋師伐滕

經貶大國之虐小討賊之意殷矣 因其虐小而責其不能討賊是一串事宋

大國四句要發揮 ○夫宋三恪之遺裔伯國之餘業也今徵舒之故當有先

發之義矣乃用衆于弱小之國魯不為反已之圖豈滕之罪有甚于亂賊之

當討哉故稱師以著其罪而誅討之意見矣

圍滕 伐滕

而觀大國之虐小而見仁義之胥失矣 上重伐喪下重縱惡虐小意各帶之

伐滕 伐邾取繹

經責內外虐小重討賊也

公孫歸父如齊

望國之慢王于貴卿之事大可睹也 以定位歸田翻斷宣公慢王之罪貴卿

意亦要發揮○夫宣之事齊也親往未幾貴卿繼遣則誠厚矣而周室雖衰
一猶然共主也乃匡王之葬闕然莫會不亦值乎收比事書法

平州 如齊 如齊 歸齊西 公如齊 歸父如 去平州歸田 以常變分

經詳望國徇私事大直罪其慢王焉 照傳 敬作

四國伐鄭

經于伯國爭貳深貶其尚力焉 德字對力字者以德鎮撫只是德望足以庇
鄭使楚自不敢爭意○夫晉之于鄭果有德義不愆之素足以動鄭景從者
一乎不然亦有緩急可托之義足以出鄭貼危者乎是二者無一焉而徒誇此
武競也會何愈于楚矣故稱人以貶之者如此

四國伐鄭 楚子伐鄭 辰陵 圍鄭 敗鄭 晉侯伐鄭

經詳内外力爭而獨重伯國之責焉 責楚益輕二句本當渾說今如此搭題 將四國伐鄭輕講一段以下流水散作

取望國晉西

四國伐鄭 楚子伐鄭 晉侯伐鄭

經惡伯主力爭因獨專其責焉 重本比以下二比紫示之但不宜以怒楚責 罪宜在楚而持力者在奕伯月然楚何足責乎水散而 鄭受伐罪亦在楚而尚力者在宗盟且然楚何足尤乎

四國伐 楚子伐

春秋兩紀爭貳獨罪伯主之尚力焉 二比勿對愚意先將四國伐講一半下 紫承串作如云晉方捲甲楚且荷戈人

曰楚不戰吾則曰仍宗盟之故智鄭方比向楚即南驅人曰楚足良吾則曰 效奕伯之餘威是伐固爭也救亦爭也晉固力也楚亦力也晉何愈于楚哉

楚子伐 四國伐 楚子伐

春秋迭紀爭貳深惡伯主之競力焉 以上楚伐見鄭從于強令以四 國伐一串做下同上題作法

季子聘

經于王禮加內深傷其不振焉 縱未舉法句宜重發揮○夫以宣公之不臣
不行貶爵削地之法而寵以時聘之禮則周之衰實自貽之矣故書以傷之

伐却取繹

經于望國虐小特著其縱惡之罪焉 縱惡虐小一串講下要見聖人汲上誅討之意○當時陳人弑君事實不赦魯為鄰境殘正之典當伸矣乃怒不輯于邦城之小國義竟廢于株林之元克知可已而不已陳可伐而不伐值亦甚矣故特書取繹以罪之也

四國伐鄭 伐邾取繹

經惡内外之用兵嚴討罪之法也

總以陳罪提起中分總收上边不必照德力字

行父如齊 歸父如齊

望國亟于事大春秋深罪其昧禮焉 此傳重一禮字君臣同責但免討雖有弑君取繹二意然不可分屬宜以弑君取繹先講隨入亟行繼往後渾融總發○夫為國以禮無憚于強奈何魯也惡視之故已不厭于人心而東婁之會又不直于天下行已有歉如此若何無懼討之心哉以故行父之轍方駕歸父之幣繼輸是魯宣之不憚于心而諸臣之為魯計者過也故備書以著其罪

行父如齊

望國初聘于大昧禮之罪見矣

君臣同責只在魯立上其罪

歸父如齊

望國有畏而事大昧于禮也

亦主君臣同責貪取繹即是不正為國以礼勿分畏媚二意

公如齊 歸父如 行父如 歸父如

經原望國事大之亟深罪其昧禮焉

照傳倒下二此

取繹 歸父如

望國貪利而畏大春秋罪其昧禮也

歸父如齊 冬歸父如齊

而觀伯臣事大而見慢王虐小之罪矣

國佐聘

大國忘親而事內守身之本失矣 速葬是已前事只重遣使上斷罪不仁其親便失守身之本不可分看○夫養生以送終為大守身以仁親為本乃齊也既速葬而失之不懷矣又喪未及于逾年聘即行于鄰國其哀戚之情忘守身之本失矣卒之喪師失地幾見執獲尚誰對哉

歸父如齊 國佐聘 上此係速葬

春秋兩紀邦交而見大國忘親之罪焉 通串

國佐聘 戰鞍 汶陽

大國失守身之本而致辱國之禍焉

國佐聘 五國伐鄭

經紀脩禮用兵之迹皆罪其忘親焉

上既速葬又未逾年而聘鄰國則哀戚之情忘矣下金厚葬乃在殯而後金革

則哀戚之情忘矣合得甚正

楚子伐鄭

經紀外兵爭貳而專其責于伯焉 不責楚正所以責晉大意見晉競力與會

于楚不重啓楚意或以士會救為競力非是亦不必坐實四國伐鄭說只選講為是○夫晉之於鄭倘鎮撫有道楚雖技擊百萬且不敢跨漢陽一步何事于救乃今尸盟之伯且不能增脩其德而崛強之夷安得不介恃其力也故士會索賦不足為晉多穎北逐師不足為晉侈而恃力以爭深足為晉充矣故爵楚而削晉救責晉深哉

伐鄭缺救 楚子伐鄭

經罪內外爭貳于筆削救兵可睹焉

上責楚下責晉各重稱子而以書救不書救驗之

伐鄭 九年 伐鄭 十年

春秋兩爵外夷而致責于內外焉

缺救 伐鄭

春秋致責內外于筆削伯救可知也

楚子伐鄭 伐鄭次鄆

經削內外救兵而爭貳從夷之罪著矣

辰陵

二國從夷以謀義經特傷夫中國焉 不貶從楚者以楚之謀義而楚之謀義以中國之棄義也重在傷中國上勿作予楚○夫自少西逆聞事實不救當時若晉若魯所宜先發後聞者皆委之不恤則自晉魯而外可知矣孰意楚起而謀之陳鄭群而從之田視中國之棄義何如哉故禮夫而求之野二國去無禮而就有禮者也夷狄而知有君二國去無君而即有君者也使必晉魯是從君臣之義孰與正哉經之不貶陳鄭宜矣

辰陵 伐莒 欒函 入陳

加晉楚爭 鄭此同

經恕二國之外從以義不在夏而在夷也

依傳一 串講夫

辰陵 伐莒 欒函

經恕二國之從夷以中國之廢義也

伐莒 欒函 入陳

中國廢義而夷謀之則從者無貶矣

辰陵 入陳

外夷謀義而克舉則從者可恕矣

伐莒 欒函

經紀內外兵好均責其廢義也 傳外狄一段非另是一意只見狄之當外而中國之當討須以討亂意提起中以四鄰方伯渾斷○少西之逆中國咸稔聞之天王不討責在方伯方伯不討責在四鄰今魯以媚大連兵晉以和戎規利曾無有動汚瀦之謀者豈莒之罪反甚于陳罪之當討狄之難反過于陳難之當平乎慎亦甚矣經故直書以示貶云

伐莒

望國合兵以虐小昧討賊之義也

單主責魯

櫛函

伯主縱惡而交外失詳畧之宜者也

不計弑君之賊而會所當外之夷申講重詳畧意發揮

會戎于潛 會狄櫛函 會吳鍾離

經屢外夷獨責夫畧內者焉

總叙重本傳見狄之當外與戎吳之當外一也晉不討亂而求成于狄亦值矣

石門 櫛函

觀經之別內外而知畧內者之罪矣

內夏外夷在稱爵稱號上見只點起後仍同單大意其上題相類

入陳

春秋重傷中國棄義特減夫外罪焉

此題雖在減楚罪而與其討賊上發揮

須要見傷中國意方是傳旨假令中國能舉義聖人豈曲宥楚罪至此○夫

負惡如舒辜實不赦當時若晉魯諸君曾無與夫席之嘆者孰意楚也當王

法之久湮而能奮一時之義槩值天刑之既墜而能赫九伐之明威試觀泗

上諸姬義孰與楚功孰與楚而僅僅虐陳之咎不當因是少減哉故不稱取

陳而書入雖曰與之可矣

入陳 納陳

外夷貪利而獎亂經以正倫恕焉

同單為是主合者謬

入陳 圍蔡

觀外夷討罪復仇之兵而貪與暴可恕矣

入陳 柏舉

春秋而予外夷之仗義而貪與暴不計也

入陳 宋伐邾

春秋而予討罪之兵而不計其貪與暴

入陳 吳救陳

外夷討罪恤患經皆致傷內之意焉

入陳 入郢 上加圍鄭下 加柏卒同

經于外夷有不以過廢功者有不以善掩惡者

納行父

經于外夷獎亂特詞以著罪焉

立晉子 臣 朔奔天 天 入陳 四夷 君長 執曹 同 盟

春秋述紀討賊正倫之慮深矣

圍鄭

經重外夷之正倫雖虐貳而猶恕也 楚入鄭罪亦不小但聖人因其有討賊

之功故特減其罪此見聖人惓惓討賊之心須本諸夏不能討說來與入陳

同意退師意未帶無妨○夫楚之入鄭也使鄭有守陴之哭肉袒之逆楚不

已過耶願以討陳之大節較之則楚之過其小者也以天王廢法之秋而能

奮荆南之大義以方伯不討之際而能正少西之元兇則陳賊之誅足以蓋

鄭禍之恣粟門之輟足以掩皇門之入矣不然使楚如晉魯諸君則倫豈不

至漸滅幾何雖庇一鄭何益哉

戰即 圍緡 入曹 滅江 加入陳圍 鄭倒作

春秋迭紀用兵各舉重以見罪焉 各就事發卒重意 未繳入陳圍鄭

入陳 圍鄭

春秋兩恕外夷之馮夏重討賊也 總起中總發楚能討陳畧分二比末總 繳之須寓傷中國意復封退師帶之

伐莒 攢函 入陳 圍鄭

外夷當廢義而正大倫經兩減其罪焉 一串 倒下

入陳 圍鄭 伐邾 黃池

經于外夷因正倫而兩恕之因僭號而兩黜之

戰御敗

經于伯兵之挫專罪夫主將者焉 此題只是非觀舉一意渾融混作為是舊

主而分甚非不可從○夫栗門環惡晉既遣義夫楚皇門退師楚又市德于鄭父苟觀釁而動當知難而退矣即有獨濟之先谷詎不可以軍法馭耶奈何明不能相時威不能克愛前有無隙之敵而妄動勤民內有剛愎之副而優游難制竟令舟指鞠于鼓鳴餘軍喪于宵濟則何取行師而焉用彼將哉故外不咎楚人內不咎列卿而以林父主此戰云

入陳 圍鄭 戰却 樂書救 偃陽

經原伯兵非道必即善將者以罪之也 同單 混講

入陳 圍鄭 戰却

經原伯國用師深罪其失于觀釁焉 倒傳上段作不 必涉將權意

戰却 書救 偃陽

伯臣失專制之道與善將者異矣 以下二此提在 前倒戰却上作

書救 偃陽

二臣之將兵皆得于專制者也 以林父起繳 以進退分眼

戰却 吳伐我

春秋而紀用兵獨重相將之責焉

宋楚平 哀婁 書救 偃陽

觀相將之得道而二臣可愧矣

戰却 新築

而觀外臣之將兵皆失于冒進者也

楚子滅蕭

經于外夷覆小深罪其志之盈焉 不仁自事迹上者重在志盈斷罪末段所云制心之心即此志也所云驕溢矜威即盈之外見耳須一串渾講最為得體餘說勿從○夫楚在當時義動中原勢傾函夏目中無勅敵矣使假仁一念不以累勝而忘則弱小如蕭豈遽然傾覆而且侈然奔告于諸姬哉奈何

志之不戢而至于盈暴之屢違而至于肆蓋小器而載夫大名則驕亢見于
顏色一事而滿其初意則漸露其本真以故滑其民人不為慘墟其宗社不
為虐矜威而誇詡不為無忌亦強伯之常態哉故書滅蕭而楚罪見矣

入陳 圍鄭 滅蕭

春秋而怨夷橫獨罪其志盈焉

以上二比引起
重滅蕭上斷罪

入陳 圍鄭 戰卻 滅蕭

外夷乘勝而矜威經特著其罪焉

重未段
於滅上

楚丘 踐土 廬吳歸

春秋公天下特示封建興繼之義焉

此題甚牽強若出只
借事發意勿斷罪

清丘

經于講信禦外者譏其失謀焉 傳首一段辨語不必用只重諸侯失謀斷罪
貶列卿所以貶諸侯也原穀主盟乃將來一驗不重○夫楚自栗門而後鄭

肉袒矣晉指鞠矣蕭社墟矣漢南諸姬其誰不病于楚而或于我者乃仁
不任政事不脩徒以詛說虛言為治安上策祇以彰中夏之積弱而遺楚人
之竊咲耳又况匪人主盟則人心生厭卒之孔達救而宋伐無功申辱來而
援兵不出盟即寒焉非失謀之明效哉故稱人以譏列卿所人人諸侯也獨
為惡反覆乎哉

滅宿 伐知伐宋 入陳 圍鄭 戰卻 滅蕭 清丘 伐陳救

伐宋

經非惡盟之不信在譏其失謀也

照傳以首四比末二比提過然後
以入陳四比原外橫而青丘共失謀

入陳 圍鄭 戰卻 滅蕭 清丘 伐陳救 伐宋

春秋直紀渝盟而深譏其謀之失焉

照傳先以下二比提過渝盟意
然後講上四比割重清丘同單

入陳 圍鄭 戰卻 滅蕭 清丘

經原外橫而深譏夫失謀者焉

必敗 清丘

觀主盟之非人伯國所任可知矣

主傳宋原 穀一旬

清丘 會平丘

經紀信好而見禦外服內之失焉

清丘 鷄澤

春秋而紀伯信均罪失謀也

伐陳救陳

大國與非義之師經托詞以著罪焉 以衛叛盟問起書法以宋昧義失謀一

串發揮收書法處再帶衛叛盟一句○夫宋之於陳討陳之義孰與楚封陳

仁孰與楚苟能省德相時而亂自息矣奈何不為反已之圖處與問罪之旅

何義哉夫不計我之不能撫陳而乘其貳以虐之過也且不度我之不能敵

楚而攻其與以挑之禍也宋即無恤乎義獨不為國謀耶不然同盟如衛且

纓冠而來况強夷如楚能無投命而起乎哉其以救書意在責宋也若衛叛

盟則不待貶而自見矣

伐陳

大國妄與非義之師其罪見矣

非義失謀 串講同上

救陳

春秋直紀與國叛盟彰大國之昧義也

以衛叛盟誰起重在陳未 有罪句發揮失謀意帶之

入陳

清丘

伐陳救

伐宋

圍宋

去清丘同去 圍宋亦同

大國昧義而失謀經托詞以著罪焉

依傳流水做下清丘比 只見衛叛盟繳處帶見

入陳

清丘

伐陳救陳

經原大國非義托渝信者以致責焉

舊主對作愚意同單為是重在昧 義上失謀帶之衛叛盟起繳見之

入陳

伐陳救

經原小國之從夷而責大國致討之非焉

省德重在不能如楚討陳上 封陳意帶之重非義斷罪

伐陳 伐宋

闕宋 陳加救

大國用兵以貽患踈于謀者也

非義意引起重失謀上斷罪

伐陳救陳 伐宋

大國失謀以貽患經托詞以罪之焉

要旨主一頭兩脚梅林以昧義失謀兩分愚意獨主失謀滋亂救陳只作書法觀其以救書二句頂在謀國失苗之下可見此題或主皆恤病討貳之約者尤非蓋清丘傳所謂敗其盟好原指救陳未嘗有楚伐而晉不救意此皆後人揣摩之過也

救陳 伐宋

觀內外之兵而見大國虐貳之失矣

俱本宋伐陳上斷罪或主皆清丘恤病討貳之約者不可從

伐陳救陳 伐鄭壬夫侵

經于討貳從夷者筆削救兵以著罪焉

楚子伐宋

經紀外討特原罪于失策者焉 傳首二句相承惟外橫故內懼勿並提楚有

詞非予楚重顯宋罪上○夫楚以滅蕭之聲執震赫乎睢陽而諸姬且緣是

惴心壇坫斯何時哉吾為宋策莫先自治矣奈何有事于伐陳焉夫陳掩所

與也宋攻其所與則楚之怒必不弭矣宋楚所窺也宋示以可窺則楚之兵

必不輯矣今日之伐夫非宋之自貽哉故楚書伐而以爵稱責宋之意深矣

滅蕭 清丘 伐陳 伐宋

滅蕭清丘事講勿封大意可單

經原外勢之強深罪大國之失策焉

此伐宋晚無題也垂在伐陳斷罪要旨主一頭兩脚甚謬

伐陳 伐宋

大國攻與以召患經罪其失策焉

同

清丘 伐宋

春秋紀無信而著失謀失策之罪焉

主合作為諸侯計者云云為宋人計者云云

河曲 戰邲 伐秦

伯兵之由任將而比

舊主三段作但林父亦是將得其人但不可知矣

雖吳趙穿則使父同樂厭黑宗何使佐林父

河曲 伐秦

西觀伯兵之無功任將之道失也

河曲 書救 偏陽 伐秦

春秋紀兵有失于任將者有得于為將者

俱以先谷為主上影晉景不當從之

衛人伐晉 衛人救陳

兩觀與國之抗伯用人者之失見矣

兩犯盟主皆孔達之為其失皆由于用人上責衛成下責衛穆

邲敗 救陳

經于二國之任將相皆歸責于君焉

先谷孔達二傳合

晉侯伐鄭

伯兵舉于報怨經直詞以示貶焉 須本戰邲說來斷其報復之罪○夫邲之

戰豈誠安攘之義舉哉楚不可嘗而冒以進將不能令而遣之擒私怨焉耳

何以報為奈何陳車馬而蒐之環諸侯而告之吾未識果義舉否耶夫不憚

而損思未為無及也 誤于前而後以善後則踈矣駕楚而服鄭未為無策

也不競于楚而取償于鄭則陋矣豈謂補過之桓子舍垢之景公而顧若是

乎哉直書而義自見矣

戰邲 晉侯伐鄭

經原伯主之報怨而直著其罪焉

倒傳為是

楚子圍宋

大國之被外兵失在始謀也 楚罪提起專主責宋傳首要結數句須牽說重

伐陳上勿對○夫楚自滅蕭以來無日不睥睨睢陽即宋國無釁猶懼禍之

無日矣奈何清丘失筭業已示楚虛弱况兵加太皞虐其與以激之謂之何

哉故獲及室皇劍及蒲脊楚非無故之加易子而食折骸而嬰宋實自貶之
感矣向使築室之計必行登林之謀不遂其不為忘蕭之續者幾何信乎作
事貴謀始也經故端本以責宋若楚之凌夏豈待貶哉

清丘 伐陳救 伐宋 圍宋

依傳倒作
大畧同單

清丘 伐陳救 伐宋

兩觀大國之失謀其見伐有由矣

此題舊說俱主清丘傳以清丘作一頭下
二此為背恤病討貳之約看來致盟似單
指救陳未必有晉不救宋意且無明文今圍宋傳明將清丘伐陳獲提承以
書救陳明見伐之由甚是分明雖不出圍宋但伐宋與見伐之由句甚切主
此極當去伐陳
主渝盟無礙

清丘 伐陳 加救只
作書法

觀大國之兵信皆失于始謀者也

二此勿並重須串說逆歸伐陳要
旨主諸侯失謀宋人失策未妥

伐宋 圍宋

兩觀大國之被兵其失在始謀也

逆重圍宋方切
幾亡其國句

救陳 圍宋

大國之失謀即內外之兵可見也

俱就失謀上斷罪與救陳伐宋
題相類衛叛盟楚凌夏帶之

圍宋 會穀

經紀兵好特示謀始謹微之意焉

以訟坤
二卦合

宣公十三年辨題

圍鄭傳有伐言攢函○戰卻傳只自戰卻止與下諸傳
無干○成蕭傳只自成蕭止與下傳無干○清丘傳只
出到伐宋無圍宋比○伐陳救傳有入陳無圍鄭戰卻成蕭比○楚伐宋
傳無入陳圍鄭戰卻救陳有成蕭清丘比且與圍宋無干○圍宋傳只自
清丘起與上
諸傳無干

會穀

經紀續分之好而深謹其漸焉 只重謹微意發揮不必加貶此傳無反之正
意與無婁稍異○夫天子不得制大典而漸移之友邦已非其分而區區三
揖乃得與公侯伍是三揖制大典矣九位不得攝大柄而浸失于邦君已非

其宜而卑卑价卿乃得與君公列是介卿攝大柄矣始不別嫌終至無辨初不明微卒於暴著追惟始禍可不制治未亂而謹堅冰之戒哉

會防 會穀

而觀禮之下移而知微之當謹矣

總起中小分後
渾講稍墜下此

會防 會穀 溴梁 從祀

詳觀禮之下移而知漸之當謹矣

歸父會宋

觀賂夷之可鄙經世之畧可知矣 經世之畧不外畏簡書數句先斷魯罪後發經世意○方楚之圍宋也申舟啓魯投袂與師其橫極矣魯也義非不明力非不足乃至從獻子之謀為歸父之遣則雖獻物獻功非治安上策也嘉淑嘉賓非制禦令畜也率是而行歲幣金縢之奉紛然無紀極矣夷不益盛而夏不益衰耶聖人書此所以示經世之畧者至矣

圍宋之二宋

春秋原夷橫而深鄙望國之賂夷焉

渾作
同單

會穀 會宋

經謹君臣夷夏之好其為世慮深矣

會宋 宋楚平

經紀交夷平國君臣夷夏之際嚴矣

宋楚平

二卿擅平國之功經正之以義焉 須以平國之功揚起方見其專在反急平在元輕平總在取必于君斷罪○夫築室反耕楚毒益淫易子折骸宋禍未艾睢陽之不入南郢無幾矣乃元反起而平之功顧不偉哉第人臣所明者義所尊者君奈何元以登床之語布腹心于仇讎反為棄埋之見輸要領于敵國一曰國魚一曰七日之糧何二子之情也情出二子祇私歎耳一曰君

子一曰不欺之臣何二子之謗也暮歸二子祇專名耳彼二十里之遠退數
百里之獲寧皆待也豈臣義乎哉

屈完 北鄙 宋楚平

二卿擅以結平春秋比事以致貶焉

以屈完展禽分
照大畧同單

敗宮于鄆 侵曹伐衛 宋楚平

經重專平不因賤惡而取之也

上二比辨書
法莊下同單

敗宮于鄆 侵曹伐衛

觀經所賤惡以王事望天下也

不繳
元反

高子盟 宋楚平

即伯臣遠君成功而知專于近者罪也

只倒子反上與華元無干須知
子反亦在境外但近君則耳

衛人救陳 戰鞍

春秋兩取知義之臣所以作忠也

孔達任過于已卻克歸善于君分作但此
二事原非可嘉願對勸蓋連食言謔國州

能匡救其惡者但重罰在前執即不一則誠忠矣克與念
只師非能將順其美者但榮名在前謹讓不受斯亦忠矣

善則稱君易股

蕭魚

魏絳受金石之樂曰九合諸
侯若之靈也臣何力之有

偏陽 晉以偏陽與向

偏陽光啓寡
君向號如之

貞伐鄭

子襄謀共王謚曰君
知其過可不謂共乎

過則歸已易股

雞澤

魏絳殺楊下曰不能致訓
至下用我臣之罪實重

君立

沙隨之會晉將執
魯君行父曰臣之

罪

華元歸

蕩澤搆亂華元曰我君
臣之訓而不能正罪大矣

馬陵子反曰臣卒實奔臣之罪重
馬陵但宋楚平原係子反此題未當

戰鞍 蕭魚

春秋兩取讓善于君者所以教惡也

雞澤 蕭魚

春秋于伯臣兩取其明義焉

俱係
魏絳

滅路

經于伯國覆狄而獨甚其責焉

傳雖有不仁不義二意須滾作為妙○夫狄

介東隣距晉甚遠也狄惡止于鄆舒罪不及君也為晉計治以不治已耳

春秋

卷之七

三十七

不然罪人既得亦平定安集之耳乃晉陽以內邊鄙不聳戎馬不驚徒徃五
罪之討而殄滅無遺也其謂之何况敗狄以後君傷不討君母不問徒恃一
戰之威而丘墟不恤也又謂之何夫不仁非義即伯主猶然彼嬰兒之失守
而忍辱奚責哉故于晉稱日稱師于狄舉號氏而稱爵云

侵鄭伐楚次陘召陵 滅路以歸 只召陵 滅路同

觀創伯之攘夷則知覆狄者之過暴矣 倒傳重不仁 一意勿分

侵鄭伐楚次陘召陵 衛伐晉垂隴 執孔 滅路

西比事以罪覆狄而仁義胥失矣

垂隴 滅路

觀伯國之討罪而覆狄者之非義見矣 倒傳不義 一意勿分

伐鄭伐楚次召陵 伐晉垂隴 或出伐楚 次入陳同

兵有合于仁義而貪暴者愧矣 以滅路 起繳

滅路 變書救

經以仁義律用兵有譏夫胥失者有予夫蕪得者

楚丘 刑丘 易遂伐楚 餘丘同

經重君命侵上與委下皆非也

螽

經紀物變慎所感也

無婁

經紀大夫專會而傷其始之不正焉 此傳重正始與無婁渾說漸移稍異傳

首兩正字皆是欲自天子出非正一層又正一層也與傳末正字無異但自
纂齊等後言耳大都不必加貶只虛論道理為是○夫天子有時會之與行
人發禁宗伯秩壇即五等邦君無敢干焉豈謂三揖大夫一旦儼然交好此
豈朝夕故哉良由天子不攬政柄而令諸侯竊之則大夫安得無覬覦之心

列辟不式王度而與大夫共之則陪貳安得守靖共之節迨至今日之交會
事勢漸成無足怪矣必也禮樂出乾元之握威福振共主之靈舉大權而還
周室世乃長治哉

會防 會穀 無婁

加三軍鞅歸陽生八只
見專魯分晉暮齊之弊

統觀會禮之漸移而知辨之當早矣

重兩正之辨揮見一失會防再失會
穀到重無婁為是不必一頭兩脚

會穀 無婁

而觀禮之下移而見始之當正矣

總叙中畧分二段重兩無以正之發但
不可作私會一段在頭似出會防此矣

初稅畝

經譏望國變制取民重務本也 稅畝非是既取公田又併稅私田只因民薄
公田而急其私故以公田盡付民耕獲畝而稅其十一耳重務本為主所以
廢助法而稅畝一段正是本不務本而變法之由末帶於弊意○夫先王制為
助法民與國胥賴焉願惟務本之君乃能省于用而饒于費無事變更為也

奈何宣也費出無度而竟壞惟正之供耗用既煩而遂變古先之制五
端一啓而丘甲田賦則何禁焉故書初云

稅畝 丘甲 田賦

觀望國變法以啓弊而知務本亟矣

同單下二比
只見啓弊

丘甲 田賦

舊說或出稅畝田賦不知此係田賦傳題或
出稅畝丘甲不知此係圍棘傳題須办之

而觀困民之弊見始變法之咎矣

重宣公啓弊
勿貶成襄

稅畝 大鹵

經重守法于兵賦之變皆譏焉

助法車戰皆先王為民至意上
啓丘甲田賦下啓武士戍卒

稅畝 廬吳歸

聖人公天下而致意于井田封建之法焉

蠶生

經志內災示王事也

饑

經紀歲歉示敦本也

滅甲氏留吁

伯國殄夷類經徵詞以示貶焉 仁心王事一串者重殄滅無遺上發揮○夫曲梁告捷國已丘墟二邑僅存少延宗社狄於晉何仇必窮遺類而盡剪之耶上卿授鉞繼林父以興師太廟受俘踵趙同而秦凱必使遺種無餘殘邑盡殄甚非仁人之心而恃王事遠矣又奚取周室之獻黻冕之榮哉

滅潞 甲氏留吁

伯國覆夷而殄其類過于忍者也

主一直作同車
舊主對非是

宣榭火

經紀王室之災昭不振之戒也

季子歸 敗箕

內外之官人皆知所重者也

爵有德祿有功
必于太廟云云

姬歸

經紀內女之出正人倫之正也

有年

經因祥志異其所感非也

蔑如京 會扈伐陳

望國之尊王事伯皆過于薄者也

同盟斷道

諸侯協釋忿之信罪可知矣 須自同欲上寫出逞忿之罪但逞忿原出列卿此盟見諸侯為列卿所取必○攷斷道之盟釋唯房之忿也夫涉河之誓方發於諸卿而卷楚之謀遂恊于列辟大若晉衛非待訴而應也矢志同仇不與齊為難不已矣小若曹和待率而從也戮力聽命雖大逞于齊未忘矣

豈蕃王義舉乃同欲若是哉故書同

盟曹南 如莒蒞盟

而觀不得已之盟非同欲可知矣

年聘 語盟 友如陳 遂如晉

經賢貴戚即内外之與政者可知也

行父如 遂如 茂如 歸父如

歷觀世卿之交鄰而知不與者非世矣

蔡季 鱗奔

春秋兩嘉貴戚而弟道與賢德昭矣

主稱字稱 弟句搭出

晉衛伐齊

春秋紀兵特示昧禮逞忿之鑒焉

二邊總因咲客彼以一咲啓釁此以一咲興戎二者皆可鑒世子伐而責列卿正見取必於君意○夫在齊也登臺之

咲一聞使奉命而來者竟不悅而去即晉閭之立語識者已憂其生患矣今

日之伐宜其至哉在列卿也涉河之誓一發使懷忿于已者遂取必于君即

斷道之既盟識者已慮其益乱矣今日之伐其誰堪焉

斷道 伐晉 戰鞏

經詳列卿之逞忿主客之罪均矣

戕郕

即小國被患見臣子不忠之甚矣

椒聘 易會孟 公在楚

經于外夷僭王筆削始終以示義焉

稱子正名 削葵避號

滕朝 杞朝 椒聘 札聘 執徐子

春秋屢黜諸侯之爵定名實也

分三段明大法 謹大防正大分

歸父如晉

經于望國脩禮譏其謀國之失焉 背與國謀大家混講為是○父之如晉外
協強鄰之援內除君側之惡甚忠心也第事晉勢必背齊而三桓又非事晉
所能去者奈何魯也以一介行李之使去數世疥瘍之疾雖世好如齊亦向
利而遂背之謀亦左矣豈以山河世伯誠足為吾國重輕獨不念齊之厚交
非所當棄乎况無引君之素乃欲藉此以除大奸茂以濟矣抑以斷道宗盟
誠足為吾君倚庇獨不思齊之舊權非所當絕乎矧無格心之術乃欲緣是
以去權豪必無幸矣卒之東門削迹北鄙馳師非父之淺謀所致哉
公即位 如齊 歸父如 斷道 伐齊 如晉
望國之邦交一徇乎利而已 順題講下向背俱指齊言不必以齊晉對
歸父如晉 至筮奔 伐北鄙
觀望國之失謀而兩貽其悔焉
歸父還至筮奔

經表使臣之善深罪夫逐使者焉

以歸父之善講起重成公君臣死君忘父

上斷罪二書法總收○歸父之自晉而還也東門之逐雖亟西墜之禮不愆
資哉父也倘所稱志仁者非耶顧父所以削迹而不獲保者則成公君臣之
罪耳以袒括哭踊之秋而使啣命奉使之臣奔逃之恐後焉死君忘父何忍
心至此哉故書歸父 云

歸父奔 士匄聘

下此主晉悼

觀內外之逐臣二君之得失見矣

歸父奔 速伐邾

而觀待父臣者孝道之得失見矣

士匄聘 速伐邾

父臣有改與不改者其孝一也

上羊夷五輩是嘗于國之紀者也是嘗納父于刑者也悼公之處政誠有大不可者在耳

下誼父豐點輩是為父之車右者也是為父之御騶者也孟莊之不改誠有大不忍者在耳

士臣類 求外味 介行李之便去教世

而購齊父臣者夢直之醫夫良矣河世伯誠足為吾國

非謂父奔 求外味 士方欲藉此以除大奸

取內長之逐臣二臣之醫夫良矣非謂父奔

以謂父奔 士臣類 謂其非父之逐臣

心至此婦姑善類父 謂其非父之逐臣

罪耳以野計哭解之極而野命奉對之臣奔逝之思

資姑父也尚兩辭志二卷非唯解交所以謂也而不

士謂非二書去惡也○謂父之自晉而還也東門之

謂其非二書去惡也○謂父之自晉而還也東門之

謂其非二書去惡也○謂父之自晉而還也東門之

謂其非二書去惡也○謂父之自晉而還也東門之

謂其非二書去惡也○謂父之自晉而還也東門之

謂其非二書去惡也○謂父之自晉而還也東門之

謂其非二書去惡也○謂父之自晉而還也東門之


謂其非二書去惡也○謂父之自晉而還也東門之

謂其非二書去惡也○謂父之自晉而還也東門之

謂其非二書去惡也○謂父之自晉而還也東門之

謂其非二書去惡也○謂父之自晉而還也東門之

謂其非二書去惡也○謂父之自晉而還也東門之



Faint rectangular impression of text, likely bleed-through from the reverse side of the page. The text is arranged in vertical columns and is illegible due to fading.